

史記志疑

史記志疑卷八

梁玉繩

三代世表第一

帝王世

案五帝三王之世多有紕漏與本紀全故其屬長短不相當已說在五帝紀矣乃所書殷屬終帝槐之世周屬終帝芒之世自夏帝泄至殷帝辛有世無屬又成王已後周之世與列侯之屬亦不相當此非盡史公之誤也考梁書劉杳傳史通表歷篇俱引桓譚新論云太史公三代世表旁行斜上竝效周譜今表有旁行而無斜上久失其舊則知帝泄以下之無屬固因世系脫誤不能絲歷無差亦緣連敘殷周之世于前遂致乖絕而列侯之屬不相當均是傳寫誤爾史通雜說篇謂太史公之創表列行縈紆以相屬編字戢香而相排雖燕

越萬里而徑寸之內，犬牙可接。雖昭穆九代而方寸之中，雁行有序。使讀者閱文便睹，舉目可詳。此其所以為快也。表歷篇又

云表次在篇第，編諸卷軸，得之不為益，失之不為損，使讀者莫不先看本紀，越至世家，表在乎其間，緘而不視，以為煩費無用，妄加貶斥，不自知其矛盾也。大事記謂史記十表意義宏深，通志謂史

記一書功在十表，誠哉斯語。余故參訂加詳焉。

顓頊屬佶，屬堯，屬舜，屬夏，屬殷，屬周，屬

桀。顓頊不出自黃帝，非黃帝孫。佶非黃帝曾孫，堯非黃帝元孫，舜出顓頊，不出黃帝。窮蟬亦非顓頊子，夏禹非顓頊孫，殷之祖契，周之祖稷，俱非佶子。有辨詳五帝紀中。今即依史言之，則顓頊屬所云昌意生顓頊，為高陽氏，當書于黃帝世下。佶屬所云螭極生高辛，高辛為帝佶。為今本誤作生當書于顓頊世下。堯屬所云螭極生高辛，當書于顓頊世下。高辛生放勳，放

勳爲堯當并書于帝侂世下舜屬所云昌意生顓頊當書于  
黃帝世下顓頊生窮蟬窮蟬生敬康當書于顓頊世下敬康  
生句望句望生螭牛當書于帝侂世下句望一代史誤仍螭  
大戴禮說見紀牛生瞽瞍瞽瞍生重華是爲帝舜當書于帝堯世下今本皆  
遞訛在後一格夏屬所云昌意生顓頊當書于黃帝世下訛  
後一格顓頊生鯀當書于顓頊世下訛後三格鯀生文命文  
命是爲禹當并書于帝堯世下訛分在後兩格然史缺鯀以  
前代系漢志言顓頊五世生鯀是也殷屬所云高辛生高  
爲殷祖當并書于帝侂世下此分書于侂堯兩世訛矣然殷  
屬終夏槐遂令高子昭明至主癸十二君莫知確在夏之何  
世姑據竹書攷之帝相十五年相土遷商邱則相土當書于  
帝相世下而前之昭明後之昌若曹圉根國世本曹圉下有  
根國一代史缺

故補可以約知其時矣。少康十一年使商侯冥治河。帝杼十

三年冥死于河。帝芒三十三年商侯

振

遷殷。帝泄十二年殷

侯

振

賓于有易。十六年殷侯微以河伯之師伐有易。則冥當

書于少康世。振當書于帝杼世。微當書于帝泄世。而後之報

丁至主癸五君。當夏不降至發六王。亦可約略知之矣。則主

癸生天乙云云。當書于履癸世下也。周屬所云后稷生不窋。

不窋生鞠。不應在堯舜世下。周屬終夏芒。遂令周之諸君莫

能確指在夏殷何世。蓋史公不知國語十五王之誤。刪掇世

次以合其數。強以后稷至文王十五世。當唐虞夏商四朝。攷

路史發揮。稷生台璽。台璽生叔均。則當補入表中。書於禹及

眡之世。不窋固非后稷子。恐亦未是叔均子。而國語言夏后

氏衰不窋失官。韋昭本人表以夏衰爲太康。則當書不窋于

太康世史漢及吳越春秋並言公劉避桀居邠則當書公劉于履癸世而不當以後公劉以前未知中傳幾世決不止鞠一代當作鞠陶說見紀古籍敗亡不可得詳矣人表言公非後有辟方高圉後有夷埃及亞圉後有雲都皆當補入表中而竹書祖乙十五年命高圉盤庚十九年命亞圉祖甲十三年命組紺則高圉當書祖乙世亞圉當書盤庚世公祖類當書祖甲世而自公劉以後之慶節皇僕羌弗毀渝公非辟方高圉七君當成湯至祖乙十三王自高圉以後之夷埃及亞圉雲都公祖類四君當祖辛至纣辛十二王總三百九十一年雖未足相當然可約知其時矣差弗毀渝夷埃及公祖類之異名高竹書圍亞圉之非父子並說在周紀武乙元年邠遷于岐周後漢書西羌傳亦言武乙暴虐犬戎寇邊古公踰梁山而避于岐下二十一年夏父薨則夏父之立必在武

乙前當書于庚丁世。武乙三十四年。周公季歷來朝。文丁四  
年。命爲牧師。後漢書亦云。十一年。命爲伯。十二年。爲文公元年。文公  
者也。則當書季歷于武乙世。書文王于文丁世。書武王于帝  
辛世。

帝顓頊 起黃帝至顓頊三世

案三世下史詮謂缺號高陽三字是。蓋表第一格兼載國號  
也。

爲高陽氏 案爲上缺顓頊二字。史詮云。

帝侖 蟠極生高辛高辛生帝侖

案高辛卽侖。史詮以生乃爲字之誤是也。明毛晉集解本作  
蟠極生高辛爲帝侖。索隱本作蟠極生帝侖。以史表前後書  
法例之。疑皆因其誤而改錄焉。非史表元文。

高辛生后稷爲周祖 案爲周祖上史詮謂缺后稷二字

帝堯 起黃帝至佶子五世號唐堯

案史詮謂起上缺黃帝元孫四字唐下衍堯字

帝舜 是爲帝舜

案史詮謂是爲帝舜上缺重華二字

帝禹 黃帝耳孫

案三代皆不稱帝史公妄加之說在殷紀中又禹出顓頊不  
得以爲黃帝耳孫卽依史所說亦當作元孫非耳孫也豈史  
公以耳孫爲元孫乎攷耳孫之解不一或以爲曾孫或以爲  
元孫之子或以爲元孫之曾孫卽仍孫耳音仍並見漢書惠紀注林學

辨耳孫是曾孫以  
師古音仍爲誤

帝杼 公祖類生太王亶父



案史詮謂當作生古公亶父爲太王

三代諸王之名已說在紀中者不列

帝槐 是爲殷湯

案史表書法是爲上缺天乙二字

從湯至黃帝十七世 案湯至黃帝之世次不可考卽依史數之亦是十八世非十七世也

亶父生季歷 案史詮謂季歷下缺爲王季三字

益易卦 案文王演易誤爲益卦說在紀

帝芒 文王昌生武王發

案史詮謂此下缺從武王至黃帝二十世九字

從黃帝至桀二十世

案黃帝至桀何止二十世卽依史所書世次數之亦是二十一世非二十世也

從黃帝至湯十七世

案十七當作十八說見上

帝小甲太庚弟殷道衰諸侯或不至

案紀以小甲爲太庚子表以爲弟二處不全故書君奭疏謂俱出馬遷必有一誤然攷索隱引世本與紀合孔傳以太戊爲太甲之孫蓋太甲之子是沃丁太庚太庚之子是小甲雍正太戊所以太戊爲太甲孫孔傳雖僞然與世本不殊則表言弟者誤矣又紀謂殷衰諸侯不至在雍已時常是也此亦誤前書于小甲之世

帝太戊 稱中宗

案殷有三宗表于太戊書稱中宗于武丁書稱高宗而獨不書太甲之稱太宗不亦疎乎至竹書以太戊爲太宗祖乙爲

中宗恐不可信而班固東都賦稱盤庚爲宗李善已言是班之誤

帝盤庚 徙河南

案遷都大事皆當書于表殷周之遷屢矣乃表止書盤庚徙河南武乙徙河北而其餘概不之及殊爲漏略

帝甲 淫

案徐廣曰一云淫德殷衰據下有殷益衰之文則徐說爲是紀亦云帝甲淫亂殷復衰也然帝甲卽祖甲殷之賢君而以爲淫亂衰殷誣鱗之甚說在紀

帝庚丁 徙河北

案徙河北者武乙也此誤爲庚丁

帝太丁

案太丁乃文丁之誤說見殷紀

帝乙殷益衰

案帝乙賢君也而云殷由之益衰謬矣說見紀中

帝辛 弑

案弑字史公誤書說見周紀別本作死亦是後人改之非元文也

從湯至紂二十九世從黃帝至紂四十六世

案湯至紂乃三十世非二十九也而黃帝至紂之世次不可考依史所書亦當作四十七世非四十六也此皆誤

周武王伐殷從黃帝至武王十九世

案伐乃代字之訛與前書殷湯代夏氏全一體例至周雖祖黃帝而世次實無可考若依史數之黃帝至武王乃二十世

不得言十九夫周自后稷至武王尚不止十九世况起自黃帝乎

魯齊晉秦楚宋衛陳蔡曹燕

案侯之有世家者除鄭後封外自當盡載此何以但數魯齊等十一國而不及吳杞越吳爲全姓之首杞爲三格之一越爲夏時故國安得遺之又世家以吳齊魯燕蔡曹陳杞衛宋晉楚越爲序已不免失次此何以復與世家異然則宜奚書曰魯爲先蔡曹衛次之明長幼也次晉武穆下于文昭也次燕爲全姓也次陳宋周之恪也次楚尊師也次齊周以異姓爲後也次秦封晚也而補吳居于首嘉讓也補杞于宋之上夏裔也補越于楚之上重故國也表列十一國惟晉楚封于成王時秦至孝王時乃封其餘俱武王封之此書諸侯初封

皆始自成王之世而列侯之世屬與周不相當今攷如左

陳皆侯爵秦鄭伯爵世表十二侯表于此五國獨泛稱爲公亦不知何意

魯案武王封公旦于魯畱相王室使伯禽就國則當書公

旦初封于武王世書伯禽于成王世也世家考公四年煬公

六年

漢律歷志載劉歆三統歷引世家作煬公十六年非

漢志三統歷謂伯禽卒於康

王十六年徐廣稱皇甫謐亦全

竹書云康王十九年禽父薨有誤

而竹書康

王二十六年陟則考公以康王十七年立煬公以康王二十

一年立是考煬二公當并書于康王世也幽公十四年以昭

王元年立十四年卒魏公五十年以昭王十五年立穆王四

十五年卒竹書與世家合則是幽魏二公當并書于昭王世

也

竹書昭王十八年也或云昭王五十一年恐非

厲公三十七年以穆王四十六年

立懿王十五年卒

穆王五十五年共王十二年竹書云懿王十七年厲公薨蓋錯簡在後二歲爾則

厲公當書于穆王世。獻公當書于懿王世也。但竹書懿王二十五年陟。孝王九年陟。夷王八年陟。或云孝王十五年。厲王即位。中間獨不紀獻公之薨。蓋缺文耳。而世家稱獻公三十二年。漢志作五十年。徐廣引皇甫謐作三十六年。三說依漢志爲確。知者。真公十五年當共和元年。則真公實以厲王二十四年立。而自厲王二十三年逆數至懿王十六年。恰得五十年。何言三十二與三十六年哉。劉恕外紀又載或云獻公四十二年亦非。

齊案太公初封。自當書于武王世。而其卒不知的在何時。世家但云百有餘歲而已。竹書于康王六年言太公薨。然尚書顧命已稱齊侯呂伋。是太公卒于成王末年無疑。故左傳云伋事康王。昭十則表書呂伋于康王世是也。乙公癸公不

得其年表書于昭穆二王之世或亦當然康成詩譜謂懿王

烹哀公

世家徐廣据竹書言夷王烹之非禮弓說言齊世家哀公荒淫夷王烹之九誤世家無荒淫之文亦不說

是夷王也

則哀公必以恭王時立表書哀公于恭王世書胡公于

懿王世甚合胡公之壽最永故其爲獻公所弑世家言當夷王時詩疏曰胡公以懿王時立歷孝王至夷王時被弑王世不長而齊君壽考得一世當三王自應書獻公于夷王世不應書于孝王世矣惟世家獻公僅九年而其子武公卽位之十年便當共和之元逆推年數武公立于厲王二十九年獻公立于厲王二十年卽使獻公弑立在夷王之末亦有二十年中懸無屬竊疑獻公之年有脫誤必是二十九年則書獻公于夷王世書武公于厲王世得其時矣竹書于厲王三年書齊獻公薨非



晉案叔虞至厲侯五代皆無年可攷左傳言燹父事康王則表書燹于康王世是也而厲侯子靖侯立于厲王二十一年表乃書于懿王世下誤矣據竹書自厲王二十年逆推至康王元年凡一百七十四年而晉以四世當之未知長短何屬

秦案孝王始封非子爲附庸邑諸秦乃表以惡來爲初封之君書于成王世而歷敘其後代至非子書于懿王世殊誤非子之年莫攷秦本紀稱秦侯十年公伯三年秦仲之四年當共和元年則逆而推之秦仲立于厲王三十五年公伯立于三十二年秦侯立于二十二年是非子至厲王二十一年方卒蓋在位三十餘年也而表以秦侯公伯秦仲分書于孝夷厲三王世下亦誤然則宜何如書曰書非子於孝王之世

移初封二字於非子格內補入伯翳後三字而并書秦侯公伯秦仲於厲王世削去惡來至大駱十七字庶爲得之

楚案表於楚最誤鬻熊爲熊繹曾祖而乃以爲父其誤一鬻熊爲文王師故此云鬻事文王熊繹則事成康故世家言繹事成王左傳言繹事康王蓋身歷兩朝也而繹子熊父或及康王中年則依次書之以一君當一王似無不可然熊渠當夷王時逮厲王時卒世家及竹書可證則當敘熊渠於夷王世矣乃書於懿王世下其誤二熊無康是渠之長子早死未立而妄列爲一代其誤三熊鰲卽左傳熊摯古字通以有疾不得嗣位紅爲鰲弟繼熊渠而立此與世家牽合爲一人名曰熊鰲紅其誤四熊渠旣逮厲王則熊紅熊延當并書於厲王之世何得置紅於夷王世下其誤五熊勇立於厲王三十

二年亦當并書厲王世。又何以退勇於共和下。其誤六。竹書於厲王六年書楚子延卒。十六年書勇卒。竝誤。

宋案武王封微子。則當書初封於武王世。而其卒不知何時。厲公已前皆無年可攷。表謬以一君當一王也。卽以煬公言之。世家稱煬公嗣位。厲公弑之而自立。夫煬公甫立便弑。在位之日無多。安得當懿王一世二十五年乎。更以釐公言之。釐以厲王二十一年立。當書厲王世。乃置於夷王下。何居其餘誤可知已。煬公家語作襄公誤。

衛案建衛莫定爲武王成王。而康叔之卒立無攷。表亦以一君當一王。然有可疑者。世家言頃侯賂夷王。則書頃侯於夷王之世宜也。但頃侯十二年卒。子釐侯嗣位之十四年。便及其和之元何歟。將逆推其世。而釐侯立於厲王二十五年。

頃侯立於厲王十三年。安得逮事夷王。將順數其世。而夷厲兩王凡四十五年。竹書於厲王之年。誤當依史記也。安得釐侯十四年。當共和行政之歲。進退互參。無從勘檢。蓋世家於頃侯之年有訛脫。得毋頃侯三十二年卒乎。

陳案胡公當書武王世下。而諸公之年皆缺不具。世家言慎公當厲王時。其子幽公十四年。便及共和。則慎公卒於厲王二十四年。幽公立於厲王二十五年矣。乃此敘慎公於共王之世。序幽公於懿王之世。而又增釐公於孝王下。反空夷王厲王兩世。誤矣。宜衍去釐公。并書慎幽二公於厲王世方得。

蔡案叔度是武王時。初封。蔡仲是成王時。復封。此誤分書於成康二王之世。爾諸君之年皆莫攷。而武侯二十三年。當

共和元年則武侯立於厲王十六年也。乃此書武侯於懿王之世。又誤矣。

曹案曹叔當書武王世下。而諸君之年無攷。世家言夷伯二十三年。厲王流彘。則其立在厲王十五年。而此書夷伯於孝王之世。誤也。

燕案召公當書武王世固已。而惠侯二十四年。當共和之元。其立在厲王十五年。則九世至惠侯五字。當書厲王世。乃此前書於康王世非也。蓋燕爲小國。初稱北燕。七國時亦獨弱。故國史簡略。紕繆。諸君之名皆無攷。其諡重三重二。又多不言其屬。春秋納簡公一事。與史表惠公相值。公子職之名。見趙世家。而單文無徵。奚但惠侯已前年數代系。缺然莫考也哉。惠侯稱侯。說在十二侯表。

成王誦 宋微子眇

案眇當諱作開

衛康叔 案康叔名封。此失書。史詮謂叔下缺封字也。表于各國諸侯之名。或書或不書。體例多不齊一。亦是疎處。

康王釗 宋微仲眇弟

案微仲而下竝失書名。眇弟亦當作開弟。但史記以仲爲眇弟。從呂氏春秋仲冬紀也。書疏及家語俱仍之。而仲實微子之次子。決非其弟。閻氏四書釋地續辨之云。微子長子蚤卒。有子名脩。次子微仲名衍。周禮適子死立適孫。次子不得干焉。微子從其故殷之禮。舍長子之子脩而立次子衍。與子服伯子引以況公儀仲子者。脩合其證。一人表于微仲下。注曰眇子。其證二。眇爲帝乙元子。衍果屬次子。王畿千里。豈少開

土斷無兄弟竝封一國之理其證三。是知微仲者子襲父氏。上有伯兄字降而次則以仲爲啟弟誤。聞說本于古史。古史曰。微子卒。世子蚤死。乃立世子之弟微仲衍。注云。世以仲爲微子之弟。失之。劉恕外紀於周紀亦稱衍是啟子。引檀弓爲驗。謂史記誤。而商紀又依呂氏春秋。未免岐見。毛氏奇齡經問十二力主仲是微子弟之說。闕閭爲非。不足信也。

衛康伯 案孝伯以下其名本缺。若康伯之名卒。固與康叔名封竝見于經。何以不書。又衛實侯爵。何以世表世家康伯至貞伯六代稱伯。索隱從鄭箋以伯爲方伯。蓋依詩序旄邱責衛伯之文爾。但世家言頃侯賂夷王命爲侯。若以方伯解之。頃侯縱不爲方伯。本爵自存。奚必賂周復爵。且古無以方伯之伯繫諡者。經史問答云。衛初封卽侯爵。其後稱伯者。或

昭王以下之所降黜至頃侯而復之惟是康伯爲王孫牟事

周康王功侔魯晉無緣削爵爲伯左右思之誠所未喻評林

丁謂伯仲康叔之康書疏引馬王云圻內國名甚是白虎通

之伯尤非康叔之康書疏引馬王云圻內國名甚是白虎通

姓名篇康南皆采也路史國名紀五曰康城在潁川受封于

衛仍兼康號其時諡法初行諸侯尚未徧及列國之君有至

四世五世而後有諡者康叔康伯皆因食采以爲號康叔周書克殷

篇亦稱鄭康成以康爲諡非索隱云世本康伯名髡卽王孫

牟攷杜世族譜是王孫髦牟髦聲相近髡字譌古史考無康

伯而云子牟伯立蓋誤認康爲諡其意兩代不應全一易名

之典遂因其名曰牟伯而不知康非諡也四書釋地續云括

州陽翟縣西北三十五里今禹州

陳申公案申公以下皆失書名然諡法無申疑



蔡仲 案蔡仲名胡此缺

昭王瑕 魯考公

案考公以下失書名人表考公作孝公則魯有兩孝公矣與史記及律歷志異蓋人表訛也

齊乙公晉武侯宋公 案此以下三國之君皆失書名

陳相公 案相公格內當有申公弟三字但人表相作栢未知孰是諡法亦不聞有相與栢者

蔡伯 案蔡伯而後其名元缺若蔡伯名荒何亦不書又蔡爲侯爵奚以蔡伯獨稱伯豈特王之所降黜至其子宮侯而復之歟

曹太伯 案太伯以下失書名

穆王滿 楚熊勝

案人表作熊盤莫知何出疑勝有二名但世家以熊勝爲熊騶子而人表以熊盤爲熊父子未詳誰是若依人表則熊勝格內應有父子二字也

衛嗣伯 案嗣伯及其子走伯皆諡法所無豈其名歟然前之孝伯已有諡不應二伯無諡疑

陳孝公 案孝公格內當有申公子三字此缺

蔡宮侯 案諡法無宮或宮是名然曹有宮伯侯何也

曹仲君 案曹伯也何以稱仲君豈仲不以正終故貶其號歟然無攷

恭王伊扈 楚熊煬

案世家熊煬爲熊勝弟則煬格中失書勝弟二字然人表又以煬爲勝子與史不全亦所未詳

宋湑公丁公弟 案家語湑作緡音義全但世家稱湑公是  
丁公子皇王大紀亦云微仲曾孫湑公則此言丁公弟誤矣  
人表作其公子乃丁公子之訛

丁公弟三字當衍

曹宮伯 案宮伯名侯而諡法無宮疑莫能明曹詩譜疏引  
世家訛宮爲官

懿王堅 魯魏公

案魏公格內失書幽公弟三字又左傳文十六年疏引世家  
作微公釋文云世本作微公而漢律歷志及集解索隱引世  
本皆作微公惟人表與史全蓋微爲微之訛但諡法無微而  
小司馬謂古書多用魏字作微徧檢不得殷本紀微子小司  
馬亦云孔子家語微或作魏讀從微音今家語無之余仲弟  
錢唐梁履繩曰魏卽魏字莊子知北遊篇魏魏乎其終則復

始陸氏音魏爲魚威反。是音與微全矣。揚子方言卷二魏細也。秦晉之間凡細而有容謂之魏。郭璞注魏魏小成貌。是義與微全矣。然通借實未見。

齊胡公 案格中失書哀公弟三字。

孝王方懿王弟

案本紀孝王名辟方。竹書人表全。此誤脫辟字。然與十六世祖全名可怪也。又孝王乃共王弟。此誤以爲懿王弟。亦猶人表誤以王爲穆王子也。

齊獻公 胡公 案格內失書哀公弟三字。又世表於列國但書其世而已。何以獨書齊獻公之弑胡公。若謂弑逆大事表當附書。則魯魏公之弑幽公。宋厲公之弑煬公。又何以不書乎。

宋厲公 案格中失書潁公子三字

衛貞伯 案索隱引世本作箕伯。諡法無箕或箕是貞伯之名歟。

厲王胡 魯真公

附案漢志人表及世本皆作慎公。索隱亦云本作慎則今本史作真公。與詩譜序疏作貞公竝誤。左傳文十六年疏及釋文引世家作順公也。

共和二伯行政

案共和是其伯和。史以爲周召行政之號非也。以其和與諸王竝列。欠安。已說在周紀。又以上文例之。此下當云從武王至厲王十世。從黃帝至厲王二十九世。史詮補此十八字。然二十九世之說亦非。

魯武公眞公弟 案武公眞公弟五字衍。

張夫子問褚先生

附案褚少孫元成間俗儒也。所續史記。此篇乃其首製。徒見世表訖于共和。天位久虛。人臣攝政。遂以其事與霍光相類。因附論焉。霍氏所出微。而持權甚盛。故造爲契稷無父之說。以神之。妄引黃帝終始傳。有人生白燕鄉之謠。以驗之。白燕湖本訛作白燕然當作白燕爲是。誠小司馬所謂言之不經。蕪穢正史者也。

十二諸侯年表第二

太史公讀春秋歷譜牒。至周厲王。未嘗不廢書而歎也。曰。嗚呼。師摯見之矣。

案孔子云。師摯之始。蓋所謂吾猶及之者也。孔安國以爲魯哀公時人。自不可易。史公作禮書序云。仲尼沒後。受業之徒。

沈湮而不舉或適齊楚或入河海卽指師摯諸人論之雖以摯等爲孔子之徒不免于誤

以諸伶之散謂在孔  
子沒後亦不知何據

而已明言

與孔子竝世矣乃此序又若以師摯爲厲王時人董仲舒對

策曰至于殷紂守職之人皆奔走逃亡入于河海

紂時有樂  
官太師疵

少師彊疵與摯音相近班固因之故禮樂志曰殷紂斷棄先

祖之樂樂官師韓抱其器而犇散或適諸侯或入河海人表

列師摯八人于三仁八士之間師古注又引鄭康成以爲平

王時人斯皆學者異師各守所見文義競馳往往乖別馬班

董鄭之說全爲紕繆矣

廣韻播字注云又姓播武  
殷賢人以播爲姓怪甚

紂爲象箸而箕子唏

附案考要曰韓非子紂爲象箸而箕子怖史遷作唏蓋本淮

南子若范蔚宗漢書謂微子垂泣于象箸則誤也

後書見西  
羌傳韓子

見喻老說林淮南見  
說山而謬稱作矣

周道缺詩人本之衽席關雎作仁義陵遲鹿鳴刺焉

案漢書儒林傳稱孔安國爲申公弟子則安國所受者魯詩  
史公從安國問古文尚書或亦從學魯詩表言周道缺而關  
雎作儒林傳序言周室衰而關雎作其用魯詩歟漢書杜欽  
傳曰佩玉晏鳴關雎歎之法言孝至篇曰周康之時關雎作  
乎上傷始亂也後漢書皇后紀序曰康王晚朝關雎作諷楊  
賜傳曰康王一朝晏起關雎見幾而作注者皆以爲魯詩而  
關雎之解韓全于魯後書顯宗永平八年詔曰應門失守關  
雎刺世馮衍傳賦曰美關雎之識微愍王道之將崩注引薛  
君章句大人內傾于色故詠關雎說淑女正容儀以刺時史  
公于詩兼齊魯韓如韓詩以商頌爲美襄公宋世家論用之



則所言關雎蓋兼魯韓二家惟以鹿鳴爲刺詩不知何出困

學紀聞三疑是三家之說今亡佚莫考矣

文選注十八蔡邕琴操云鹿鳴者周

大臣之所作也王道衰大臣知賢者出隱故彈弦風諫以此類證知刺詩之說必有所本困學紀聞三引蔡邕正交論以此

伐木亦刺詩風俗通窮通然而關雎正風之始也非變風也

鹿鳴正雅之始也非變雅也孔子刪詩豈取衰世諷刺之作

以冠風雅哉且孔子世家以關雎爲風始鹿鳴爲小雅始奈

何自相牴牾乎而關雎之所以有此異說者必漢儒誤解論

語關雎之亂一句耳晉書司馬彪傳云春秋不修則仲尼理

之關雎既亂則師摯修之以亂爲錯亂其說又異

齊晉秦楚其在成周微甚

案成周乃洛陽非鎬京也此誤說在魯世家

楚介江淮

史詮曰淮當作漢

是以孔子明王道于七十餘君莫能用

案史言孔子于君猶子禽之言求爾七十餘君九妄儒林傳序亦稱仲尼于七十餘君無所遇索隱謂後之記者失詞孔子歷聘無七十餘君索隱本于論衡論衡儒增篇云孔子所至不能十國也此蓋戰國時誣說史漫述之其始出于莊子天運篇以于七十二君爲孔子謂老聃語淮南說苑以及揚雄解嘲皆仍其謬呂氏春秋遇合篇曰孔子周流海內所見八十餘君其數且過七十二矣然乎哉

魯君子左丘明懼弟子人人異端各安其意失其真故因孔子史記具論其語成左氏春秋

案漢書藝文志劉歆傳後書陳元傳論語疏左穀二序疏皆

稱作傳者爲左邱明與聖全恥親受經于仲尼劉知幾所云語世則竝生論才則全體也乃自趙宋以來諸儒或謂左邱明在孔子前左傳非左邱明作或言作春秋傳者別有左氏失其名六國時人楚左史倚相之後作國語者左邱氏魯左邱明之後或又稱左氏世爲史官末年傳文是其子孫所續諸家之說頗異未定所從

趙孝成王時其相虞卿上采春秋下觀近世亦著八篇爲虞氏春秋

案此與虞卿傳竝言八篇而藝文志是十五篇又有虞氏微傳二篇溢數甚多疑史誤抑豈漢人別其篇爲十五復摘其中合於春秋經義者爲微傳耶

呂不韋者秦莊襄王相亦上觀尚古刪拾春秋集六國時事以

爲八覽六論十二紀爲呂氏春秋及如荀卿孟子公孫固韓非之徒各往往摭摭春秋之文以著書不可勝紀漢相張蒼歷譜五德上大夫董仲舒推春秋義頗著文焉

案如太史公所稱則晏子春秋陸賈楚漢春秋何以遺之公孫固

附案索隱云宋有公孫固無所述此固蓋齊人韓固傳詩者真瞽說也敘固于荀孟韓非之間則非宋之公孫固自不待言乃云齊人韓固無論傳詩不傳春秋而傳詩是韓嬰轅固不得嫁名于公孫固又安得妄造一齊人韓固以實之耶攷漢藝文志有公孫固一篇十八章齊閔王失國問之因爲陳古今成敗也

於是譜十二諸侯

案表實十三國而云十二。天官書及自序傳亦皆言十二。殊不可解。索隱謂賤夷狄不數吳。蘇洵論史漢主此說。余深以爲不然。吳爲太伯之後。安得以夷狄外之。此春秋三傳之謬論爾。如以夷狄外之。則楚亦夷狄。乃進異姓而斥宗親。寧有是理。且世家又奚以首吳耶。天官書稱秦楚吳越爲夷狄。言四國在戎夷之地。非外之之詞也。

魯齊晉秦楚宋衛陳蔡曹鄭燕吳

案此列諸國之次與世表全。但世表以鄭尚未封。故不列入。此自應增之。然何以置于曹之下。燕之上。世表無吳杞越三國。茲何以補吳而不補杞越。太伯至德。孔子稱之。而伯之有土。視諸國最先。故世家取以爲冠。又何以抑之表末乎。是當置吳于魯之上。尚德也。置鄭于燕之下。全姓而封晚也。補杞

于陳之下。備三恪也。補越于宋之下。重故國也。又表中所載。有宜書而不書者。有不必書而書之者。有或書或不書者。蓋其失有三。漏略不檢一也。輕重不當二也。體例不齊三也。余於周魯表發其凡。餘可類推焉。

共和元年以宣王少。大臣共和行政。

案史以共和爲周召行政之號。已屬誤條。而又以共和紀元至十四年。尤非也。說在周紀中。

魯真公。湏十五年。一云十四年。附案真公乃慎公之誤。說

見世表。而慎公之名。漢書執與哂兩載。索隱引世本作摯。或

作鼻。

史記各本鼻字皆誤刻

晚。魯頌疏引世家又作儻。而今史記竝作湏。

未知孰是。再史無疑年之例。不應兩存其年。當是古本史記有謬作十四年者。後人遂附注之。今所傳諸本皆連刻不別。

多認爲此表元文矣。或問鄭詩譜序疏引此表直作十四年。曷故曰孔疏錯耳。若果表是十四。則愼公安得在位三十年。若果表實兩存。則疏中又引此表蔡武侯二十三年作二十四。何以不稱一云二十四年乎。然因以知唐初史記本已有訛誤也。

宋釐公十八年曹夷伯二十四年。案釐公名舉。夷伯名喜。此失書。

燕惠侯二十四年。案史所書燕君之諡曰惠曰桓者各三。曰釐曰宣曰昭曰孝曰文者各二。據索隱所引世本則又有二閔公其誤無疑。莫由詳定。索隱云國史微失本諡故重耳。然更有不可解者。燕本伯爵。召公爲三公。故獨稱公。乃表自惠侯至宣侯稱侯。桓公以下稱公。世家自惠侯至桓侯稱侯。莊公以下稱公。

人表又稱惠侯宣侯爲惠公宣公莊公爲嚴侯

諱避

所載各

異或謂人表錯亂難以憑信年表又誤書桓侯作桓公集解

索隱所引世本以及人表竝作桓侯可證當從世家而其所以稱侯稱公必因時王進陟之也此說近是但索隱引譙周

所見世家本稱後之襄公宣公爲襄伯宣伯獨依受封之爵

豈史公元本俱稱伯後人妄改之歟再考蘇秦傳稱燕易王

父爲文侯文尚稱侯則文侯以前之未嘗稱公可知

蘇秦傳本于國

策國策稱文侯其後又稱文公并稱燕王或易王

竊意入戰

追尊之不然何以首標文侯乎傳皆作文侯是國時燕始僭稱侯而左傳所謂燕簡公索隱引紀年所謂簡

公孝公成公文公集解引世本所謂閔公均屬泛以爲號若

左傳曹邾許莒稱公之類也左傳昭十二年云齊高偃納北

燕伯款于唐此春秋時燕猶稱伯之驗燕成公當周定王考



王世而索隱引紀年云成侯燕文公當周顯王世而國策云文侯此戰國時燕祇改稱侯之驗安得如年表世家所載者哉

共和五 熊嚴元年夷侯元年

附案湖本熊嚴上脫楚字夷侯上脫蔡字他本皆有

共和八 幽伯彊元年

附案幽伯上湖本失刻曹字他本有之曹詩譜疏引世家訛爲幽伯

共和十二 惠公闕元年

附案惠公上湖本脫宋字他本有

共和十四宣王卽位共和罷

案史詮謂宣王上缺厲王沒于彘五字

宣王元年厲王子

案前已書厲王子爲宣王。則此似複。且表皆不書某王爲某王子某王弟也。當屬羨文。而宣王中興之主。其行事有美有惡。表竟不書一語。何簡略之甚。

宣王二 燕釐侯莊元年

附案索隱曰。徐廣云一無莊字。案燕失君名。此言莊者衍字也。

宣王三 曹戴伯鮮元年

附案戴伯之名。世家作蘇。鮮蘇聲相近。

宣王六 晉獻公籍元年

案公乃侯之誤。世家作侯。晉本侯爵。至曲沃武公始稱公。僭也。又籍索隱引世本譌周作蘇。未知孰是。

宣王七 楚熊徇元年

案世家熊徇卽季徇也。而鄭語作季紉。疑徇字以音全致誤。  
宣王十三 魯懿公戲元年

案魯表于廢立篡弑大變皆書之是也。乃武公因王命廢長子括立少子戲。其後伯御弑懿公而自立。魯亂十餘年。何以表獨不書。懿公之名。史全國語漢志被與戲兩載。蓋有二名。  
宣王十七 穆侯弗生元年

附案穆侯上脫晉字。穆侯之名。年表與世本及鄒誕本俱作弗生。世家與詩疏俱作費王。索隱于年表云。世家名費生。或作潰生。一本此生字。作王非也。其所引年表正文。則單稱曰生。而于世家云。或作潰王。其所引世家正文。則書爲弗王。何參錯若是。余謂穆侯實名費生。王乃生字之訛。弗與潰乃費字之訛。竹

書作費生也。魯魏公名費。世家訛作潰。世本訛作弗。衛敬公名費。世家訛作弗。鄭悼公名費。世家訛作潰。索隱謂鄒本一作沸。一作弗。可以類觀矣。

宣王二十二 魯孝公稱元年伯御立爲君。稱爲諸公子云。伯御武公孫。

案是年爲伯御元年。非孝公元年也。攷世家及漢律歷志俱云。伯御十一年。孝公二十七年。乃表并伯御之年于孝公通作三十八年何哉。或謂當改書魯伯御元年。移書魯孝公稱元年于後。而行去伯御立爲君十一字方得。余謂宣王誅伯御兼黜其年。遂以伯御十一年繫之孝公。以孝公元年爲十二年。如陳惠公探續先君卒年爲元之例。故史公于世家著其實。而于年表是年注曰。伯御立爲君。稱爲諸公子云。於十

一年注曰宜王誅伯御立其弟稱非誤也是以世家云魯起周公至傾公凡三十四世明係不數伯御矣再攷世家及漢書人表律歷志以伯御爲懿公兄括之子似伯御爲武公孫無疑而韋昭國語注以伯御卽括莫定所從表于是年以伯御爲武公孫于十二年復以孝公爲伯御弟夫孝公者武公之子而懿公之弟也謂孝公爲伯御弟則必以伯御爲武公子頗有合于韋注乃漢志以孝公爲伯御叔父人表又曰孝公懿公子兩相岐異俟折衷知者國語補音以韋注爲失

宣王二十五 公說元年

附案他本皆作齊成公說元年湖本失刻齊成二字

宣王二十六 晉穆侯十以千畝戰生仇弟成師二子名反君子譏之後亂

附案千畝之戰左傳疏以爲宣王三十九年王與姜戎戰于千畝取此戰以名子攷晉世家穆侯十年伐千畝有功生少子名成師乃宣王二十六年事與左傳合若宣王三十九年之戰距穆侯戰千畝時十有四年王及戎戰與晉無涉何故取以名子且是役也王師敗績料民太原尚何功之足紀哉孔仲達誤矣

宣王二十八 三十一宋惠公薨

案宋表內七字當衍之而改書曰宋哀公元年知者世家稱惠公三十年卒子哀公立哀公元年卒子戴公立歲次甚明乃表以哀公之元增爲惠公三十一年竟刪去哀公一代豈不誤哉

宣王二十九 宋戴公立元年

案立字衍文唐世系表七十五下謂名白未知何据

宣王三十三 曹惠公伯雉元年

案曹世家作惠伯兒索隱于此云一作兒則惠伯名兒矣然

集解引孫檢曰惠伯或名雉或名弟或復名弟兒索隱曰孫檢未詳何

代或云齊人又各不全蓋以音近訛異莫能定其孰誤惟此作惠

公伯雉實誤耳曹本伯爵惠公已下不知何以忽改稱公世

家及人表則自惠之子穆公始稱公惠猶稱伯雖均未測其

旨而彼此互參是知表中公字是衍文伯者惠伯雉者其名

非名伯雉也人表亦以其名難定故但云曹惠伯

宣王三十四 齊莊公賁元年

附案索隱引世本作購與世家合高誘注呂子安死貴卒二

篇竝作購則此譌也韋昭鄭語注亦作購

幽王二 三川震

案國語幽王二年

俗本誤作三年

西周三川震是歲三川竭岐山崩

乃表書川震而不書川竭山崩何也且既書三川震矣則宣

王時之旱

前編在六年大紀連年書之

幽王時之日食

史詮云虞廟謂在六年

以及

桓王三年饑定王五年河徙十四年成周宣榭火靈王二十

二年穀洛鬪敬王元年地震此災異大事表所宜書者而何

以不皆書乎

幽王三 王取褒姒

案廢立大事亦表所宜書也乃何以但書取褒姒而不書廢

申后太子及立褒姒伯服且取褒姒書矣則襄王十六年取

狄后又何以不書耶

幽王十一 鄭桓公三十六以幽王故犬戎所殺



附案犬戎上疑脫爲字一本故卽作爲

平王元年東徙雒邑

案是時平王與攜王竝立至平王二十一年攜王始爲晉文侯所弑如此大事何以不書說在周紀中遷都大事書東徙洛邑宜也乃敬王從王城徙都成周而表不書何耶夢溪筆談曰史記年表周平王東遷三年魯惠公方卽位而啖趙于纂例隱公下注八字云惠公三年平王東遷與史記不全不知啖趙得于何書唐啖助趙匡又嘗見士人石端集一紀年書其敘平王東遷亦在惠公三年予亟問石君云出一史傳中遽檢不得終未見的據年表注東遷在平王元年辛未歲本紀中都無說諸侯世家言東遷卻盡在庚午歲史記亦是差謬莫知其所的依沈括所引春秋纂例疑史表東徙洛邑四字

元本在平王五年。唐以前尚不誤。今本在元年。乃後人傳寫  
妄移之。未知是否。學林以纂例為非。因學紀聞七謂鹽石新  
平王東遷三年惠公立。蓋平王初立在申。故周紀云諸侯即  
此休一時記錄之誤。申侯而立平王。鄭王風譜謂晉鄭倉卒援立。未必即便徙都。  
迎于申而立之。非。亂定而乃至洛耳。世家述幽王之禍。連及東遷。此史家順敘  
之法。並非以東遷在庚午歲也。沈括誤。

秦襄公八初立西疇祠皇帝。附案時字訛刻疇。白字訛刻  
皇。秦紀徐廣引年表云立西時祠白帝也。

鄭武公元年。附案索隱本引表作武公滑突。則今本傳寫  
失名。餘說見世家。

平王三 魯惠公弗湟元年

附案集解索隱皆引年表云弗生。而今本年表俱作弗湟。蓋

後人依世家改之爾。但惠公之名諸處不全。弗生既與弗湟異。而漢志作皇。左傳疏從世本作弗皇。陸氏釋文作不皇。文十六年疏及釋文引世家又作弗皇。皇王大紀又作沸湟。余疑沸不兩字乃傳寫之誤。湟皇兩字亦屬訛文。當作弗湟。爲是。湟與生古通用。何以知之。周幽王名宮湟。今作湟或亦作湟。並非。徐廣曰一作生。曹桓公名終生。孫檢曰一作終湟。二名可互證。湟音生。

齊莊公二十七 附案湖本是年每國表內自齊已下皆失刻年數。當補齊二十七。晉十三。秦十。楚二十三。宋三十二。衛四十五。陳十。蔡四十二。曹二十八。鄭三。燕二十三。

平王四 魯惠公一

附案此乃惠公二年也。湖本二字訛刻一。後年三字亦訛刻。

二

平王七 燕鄭侯元年

案索隱於世家云諡法無鄭或是名然燕君皆失名不應此侯獨傳名鄭疑

平王八 楚霄敖元年

附案今本年表與世家竝作霄索隱曰世家霄敖此作甯敖恐是霄字訛變爲甯也湖本則表元本作甯索隱本亦是甯字與人表全後人改從霄耳

平王十 鄭武公十取申侯女武姜湖本訛申爲田

案武公之取武姜及生子皆未定何歲而史謂十年取武姜十四年生莊公十七年生大叔段不知何據

平王十二 曹穆公元年

案穆公名武此失書

平王十四 鄭武公十四生莊公悟生

附案悟與寤同然他本多作寤也

平王十五 曹桓公終生元年

附案生一作涅蓋古以音全通用說在周紀

平王十七 陳文公圉元年生桓公鮑厲公他他母蔡女

案他是文公子五父非厲公也厲公名躍是桓公子非文公子也厲公蔡出是桓公取蔡女爲厲公母非他母蔡女也其詳說在陳世家中杜世族譜文公韋一本作幸疑皆訛

平王二十二 蔡宣侯楷論元年

案他本年表作措父與世家全則楷論之名誤也然三傳春秋皆作考父見隱八年則作措父亦誤

平王二十三 宋武公十八生魯桓公母

案是年武公卒則桓母未必定生于父卒之年世家附書于武公立年是

平王二十六 晉昭侯元年封其季弟成師于曲沃

案昭侯名伯此失書又弟乃父字之誤成師者文侯季弟昭侯之季父也

平王二十七 桓公元年

案當作桓公鮑元年此缺

平王二十八 母欲立段公不聽鄭莊公寤生元年祭仲生

案母欲立段公不聽七字當書于前格武公二十七年生乃相字之誤

平王三十 衛莊公十七愛妾子州吁州吁好兵

案此事元無年可紀左傳附見隱之三年蓋追敘前事也乃表書于衛莊十七年世家又在十八年何歟

平王三十一 武王立

案史公于楚熊達忽變年表之例不書國不書名并不書元年獨曰武王立不可解也當稱楚武王熊達元年然書王非史法

平王三十二 潘父殺昭侯納成師不克昭侯子立是爲孝侯案此乃晉昭侯之七年而表卽以爲孝侯元年誤已何以徵之是歲爲魯惠公三十年左傳云見桓二年惠之三十年晉潘父弑昭侯納桓叔不克晉人立孝侯也又依表例當書曰晉孝侯平元年此亦失之

平王三十七 夫人無子桓公立衛桓公完元年

附案夫人無子桓公立七字當書于前格莊公二十三年訛刻也桓公之名釋文又作兒非見衛詩及穀梁傳

平王三十八 衛桓公二弟州吁驕桓黜之出奔

案世家亦稱州吁被絀出奔又謂桓公十六年州吁收聚衛亡人以襲殺桓公而考春秋三傳皆無州吁出奔反襲之事未知史公何據疑妄也不然春秋何以不書三傳何以不載而左傳且言石碣子厚與州吁游矣史詮云桓黜之當作公黜之易林明夷之遷云州吁奔楚九誕

平王四十 晉孝侯九曲沃桓叔成師卒子代立爲莊伯

案世家此事在孝侯八年而此在九年者蓋表誤以昭侯七年爲孝侯元年故所書之事似誤在後一歲而實非誤也又依後文莊伯卒子稱立爲武公之例則此云子代立當作子



蟬立

平王四十七 晉孝侯十六曲沃莊伯殺孝侯晉人立孝侯子  
卻爲鄂侯卻元年曲沃彊於晉

案是年爲孝侯十五年當魯惠公四十五年故左傳云惠之  
四十五年莊伯弑孝侯晉世家云孝侯十五年莊伯弑其君  
孝侯于翼也此誤書孝侯之元于昭侯七年遂妄稱孝侯在  
位十六年爾又左傳鄂侯爲孝侯弟表與世家俱作子謨卻  
元年以下八字乃誤重後文湖本訛刻他本所無至卻字世  
家作郤兩字從仝竝音隙故詩唐風疏引世家作卻也索隱  
于此云有本作都者誤於世家云他本作都而其引世家正  
文亦作都是自相戾矣

平王五十 鄭莊公二十三公悔思母不見穿地相見

案鄭莊二十三年爲魯隱公二年左傳述莊誓母見母皆在  
隱元年所謂旣而悔之者未必是踰年事則當書于莊二十  
二年與叔段出奔全歲也然表不書誓母城潁而但書公悔  
思母不見於事欠明

平王五十一年 魯隱公三二月日蝕

案表例凡日食必書謹天戒也然春秋日食三十六哀十四  
年五月  
庚申朔日有食表不書者十三未解何故桓三年莊十八年  
之以續經不數表不書者十三未解何故桓三年莊十八年  
年三十年僖五年十二年文元年成十六年而所書二十三  
十七年襄二十三年昭二十四年定十二年而所書二十三  
日食惟隱三年僖十五年宣八年十年書月文十五年書月  
及日昭十七年書月與朔其餘皆不書月日朔但云日蝕而  
已更可異者昭十七年六月日食而改作正月昭十年不日  
食而增四月日食殊爲舛錯

鄭莊公二十四侵周取禾 案隱三年左傳曰鄭祭足帥師取溫之麥又取成周之禾乃此言侵周取禾而不書取麥何也世家言侵周地取禾既失書取麥而妄增侵地又何也桓王二使虢公伐晉之曲沃

案左傳桓王助曲沃伐晉因曲沃叛王故命虢公伐之本非天討之正至釐王且命曲沃爲侯矣自入春秋周表中書王師僅三事此年書伐曲沃十三年書伐鄭敬王十四年書侵楚夫書伐鄭者著衰之始書侵楚者著衰之終不徒書也若曲沃之伐何以書哉

晉鄆侯六鄆侯卒曲沃莊伯復攻晉立鄆侯子光爲哀侯案隱五年左傳鄆侯本稱翼侯爲莊伯所伐奔隨王命虢公立哀侯于翼亦稱翼侯明年翼人逐于隨而納諸鄆故謂之

鄂侯其卒不知何時則是哀侯之立鄂侯未卒而莊伯伐晉不關鄂侯之卒也此與世家及竹書並誤詩唐風疏亦以史爲非

衛宣公元年晉共立之討州吁 附案隱四年春秋曰衛人立晉則晉爲宣公名世家亦然此表傳寫訛誤以晉字置元年下史公本文必是衛宣公晉元年其立之者卽三傳衆立之謂也討州吁三字湖本又錯刻在上格宋表中而其實討州吁在立晉之前應書于前格桓公十六年

桓王三 魯隱公六鄭人來渝平

案此從左氏作渝平而他本又從公穀作輸平未知表元文孰從然此非大事可不書也

桓王五 魯隱公八易許田君子譏之

案易許田在桓元年是歲禘鄭來歸祊耳此與鄭表言易許田竝誤說在周紀

秦寧公元年 附案寧當作憲說在秦紀中

鄭莊公二十九與魯璧易許田 案璧當作祊因後有以璧假田之事而誤也易田在三十二年

桓王六 魯隱公九三月大雨雹

案春秋三月癸酉大雨震電庚辰大雨雪此書大雨雹誤也他本作大雨震電然亦失書雨雪豈皆傳寫脫誤歟但春秋所載雷電雨雪之災凡四而表止書其一未知史公去取之意何在

桓王八 魯隱公十一大夫聲請殺桓公求爲相

案左傳聲欲求爲太宰何以易稱相也太宰元屬天官之長

齊吳僭設竝爲尊秩然宋亦有太宰亞于司寇楚鄭皆有太宰又非正卿以此例之則太宰不定是相矣而魯不見太宰之名知終未設之表例不書官獨鞏以逆臣而反存其官曰大夫殊失史法

桓王九 魯桓公允元年

附案桓公之名世家或稱允或稱子允蓋子字羨文索隱謂一作兀亦允字之訛但左傳疏依史記作允而漢志及釋文皆從世本作軌集解徐廣亦曰一作軌豈桓公有二名歟鄭莊公三十三以璧加魯易許田附案加字三傳春秋皆作假蓋古字通寫非誤也但魯世家集解引麋信曰鄭以祊不足當許田故復加璧則竟作如字解與三傳異恐非

桓王十 魯桓公二宋略以鼎

附案賂字訛刻略

華督見孔父妻好悅之華督殺孔父及殺殤公宋公馮元年  
華督爲相 案此宋殤公之十年也表卽作宋莊公馮元年  
夫殤公在位十年紀于春秋載于左傳宋世家仍之獨于年  
表止列殤公九年何自戾耶且古者踰年改元降及周末猶  
循斯典不應宋莊忽違舊制如後世當年改元之悖也表中  
往往有以先君之年爲後君之元者而此緣誤讀左傳來莊  
公之元在魯桓公三年而左傳于桓二年連敘之曰華督立  
莊公遂相之因是致誤耳又宋莊公失書諡

桓王十一 魯桓公三翬迎女齊侯送女君子譏之

案春秋于迎夫人雖不盡書而固非一書也乃表止書迎桓  
夫人曷故將以爲與弑桓乎而莊公之夫人哀姜亦與弑閔

公何以不書。則知迎夫人爲常事。表可不書也。

晉少子元年。案少子乃小子之誤。湖本訛刻也。小子又脫去侯字。但世家哀侯在位九年。爲曲沃武公所虜。哀侯九年。當魯桓公三年。而桓三年左傳載武公伐翼。獲哀侯。世家與傳合。乃此以哀侯之九年爲小子侯元年。誤已。

桓王十三 鄭莊公三十七伐周

案春秋是年王伐鄭。非鄭伐周。且臣之於君。不可以言伐也。當作拒周。

桓王十四 曲沃武公殺小子。因伐曲沃。立晉哀侯弟潛。爲晉侯。晉侯潛元年。

案左傳竹書及世家潛竝作緡。音義全也。但攷世家小子侯在位四年。與左傳合。乃此旣誤以哀九年爲小子元年。而又



以小子四年實三為侯緡元年誤之誤矣至伐曲沃之說不

見左傳史公于表云伐曲沃似晉伐之于世家云周桓王使

虢仲伐曲沃武公竹書亦云則是王伐之然左傳于哀侯之

立書王伐曲沃于侯緡之立但曰王命虢仲立緡于晉無伐

曲沃事前後參校似係一事兩書或謂本文因字蓋王字之誤

弟他殺太子免代立國亂再赴陳厲公他元年案弟他至

再赴十二字當移前格桓公三十八年內訛在厲公元年也

厲公名躍不名他再赴之說史仍左傳然理有難通未可依

據皆辨見陳世家中

鄭莊公三十八太子忽救齊齊將妻之案此但言齊將妻

忽而不及忽辭齊婚事殊未了

桓王十五 陳厲公二生敬仲完

案敬仲之生未知的在何歲表與世家俱謂生于是年妄也

桓王十六 楚武王三十七伐隋

附案隨字訛刻隋

陳厲公三周史卜完後世齊王 案莊二十二左傳云陳厲公生敬仲其少也周史有以周易見陳侯者陳侯使筮之夫謂之爲少必非生而睟之時矣其生其卜本無年可紀乃史公既書生完于二年遂書卜完于三年妄矣王齊湖本誤倒作齊王

桓王十七 秦出公元年

案出公乃出子之誤秦別自有出公也

桓王十九 衛宣公十八太子伋弟壽爭死

案爭死之事左傳附見于桓十六年不知道的在何歲此與世

家皆在十八年爲魯桓十一年恐未確太子伋詩序毛傳人表諸書俱作伋獨左傳作急子蓋古通借別稱說文急作忒形亦近  
通志氏族略引風俗通云伋氏衛宣公太子伋之後居伋因以爲氏妄甚

桓王二十 陳厲公七公淫蔡蔡殺公

案是歲乃厲公卒之年史誤以陳佗爲厲公故謂此年佗被殺其實蔡人殺陳佗春秋書于桓六年當陳厲公元年也淫蔡從公穀二傳與左氏駁其辨詳陳世家中

桓王二十一 齊釐公三十二母知釐公令秩服如太子

案史詮謂今本母知二字誤在釐公上當作釐公令母知是也但寵無知之事左傳敘于莊八年蓋追述之而未知其時且亦無時之可言表書于三十二年何據世家稱此年夷仲年死故釐公愛母知比太子而夷仲年之死左傳無明文世

家又何據恐皆妄耳

桓王二十三 秦武公元年伐彭

附案秦紀伐彭戲氏正義曰戲許宜反戎號也此訛脫

衛惠公三朔奔齊立黔牟 案朔奔齊六字當移後一年攷

春秋書衛侯朔出奔齊在魯桓十六年爲惠公朔四年世家  
亦然乃表誤以惠公四年爲黔牟元年故朔止三年耳

鄭厲公四祭仲立忽公出居櫟 案公出者出奔蔡也居櫟

者入于櫟也當作兩句讀但世家云四年夏厲公出居邊邑

櫟攷春秋桓十五年云五月鄭伯突出奔蔡九月鄭伯突入

于櫟而世家誤合爲一事則知表中公出居櫟四字亦是全

誤史公未必各斷爲句耳

燕桓公元年 案桓公當作桓侯然亦非也說見前

莊王元年生子頹

案此書生子頹後書生叔帶著亂本也若王子朝者亦頹帶之類而何以不書生子朝于景王世乎

魯桓公十六公會晉謀伐鄭案晉乃曹字之訛會曹者會

于曹也春秋內兵之伐國多矣此表止書其八桓十六伐鄭莊五伐衛成

二伐齊三年伐鄭十三年伐秦襄九伐鄭十八年伐齊哀十伐齊而誤書其一僖九伐晉不知史

公去取何意

鄭昭公元年案昭公名忽此失書

莊王二有兄弟

附案有兄弟三字解家皆略而不說史詮但言誤書于莊王二年當與元年生子頹連文而亦不釋之或謂有兄弟下缺之難二字夫既書子頹不得復稱兄弟且不聞天王之有兄

也。則所云兄弟之難者誰乎。余以爲當作有弟克。傳寫訛倒。又誤克爲兄。蓋指莊王弟王子克也。書生子顏。書有弟克。皆爲後作亂張本。若莊王二年亦何難之有。

莊王四周公欲殺王而立子克。王誅周公克奔燕。

案桓十八年左傳。則事在莊王三年。此與本紀皆誤書於四年。又表于此。書子克奔燕。于後書叔帶奔齊。皆所宜書也。王子朝者亦克帶之類。而敬王四年不書子朝奔楚何歟。

鄭子嬰元年。案子嬰當依左傳作子儀。此與世家全誤。索隱謂史公別有所見。則人表又作鄭子嬰齊。豈亦別有見耶。

莊王五 宋莊公十九

案宋莊在位十八年。因表誤以宋殤十年爲宋莊元年。故云十九也。世家于殤公之年不誤。而書莊公之年亦作十九。與

表竝誤矣

莊王七 齊襄公八伐紀去其都邑

案齊世家云八年伐紀紀遷去其邑蓋齊以漸滅紀非僅此  
年伐之而已史詮謂今本去字上缺紀侯二字然世家徐廣  
引年表無紀侯也

楚武王五十一王伐隋夫人心動 附案隋當作隨夫人上  
缺告字毛本有

莊王八 魯莊公五與齊伐衛納惠公

案春秋公會齊人宋人陳人蔡人伐衛此止書齊何也

楚文王貲元年始都郢 案世家作熊貲熊其通號可不書  
也而淮南主術注作熊庇說山注作熊庇古貲與訾全考工  
記車人爲耒庇先鄭音庇後鄭音刺蓋古字通借庇乃庇之

譌耳都郢說在世家

莊王十 魯莊公七星隕如雨與雨偕

衆書星而不書恆星不見何也

衛黔牟十齊立惠公黔牟奔周 案齊立惠公八字當書於  
前年攷春秋惠公以魯桓十六年奔齊以魯莊六年復入則  
黔牟以桓十七年卽位以莊六年奔周首尾八年世家言八  
年固不誤乃表旣減惠公前立之一年以益黔牟又退惠公  
復入之一年以歸黔牟遂謂黔牟在位十年誤矣且魯莊五  
年表云納惠公而此于魯莊七年始有立惠公之言亦自相  
離異也

莊王十一 齊襄公十二毋知殺君自立

附案史漢弑字多作殺音弑古通用而湖本毋知殺君乃弑



君之訛他本皆作弑字

衛惠公朔復入十四年 案此九字當移在前一年而十四年亦十三年之訛世家固云與前通年凡十三年也此年當補十四二字

莊王十二 楚文王五息夫人陳女過蔡蔡不禮惡之楚附案左傳事在楚文六年當并書于後格伐蔡爲一條

莊王十三 魯莊公十齊伐我

案此卽長勺之戰也但言齊伐我而不言我敗齊于事爲未了于義爲未備又他國之侵伐魯者衆矣卽齊之伐魯亦不一而足矣乃表止書齊伐我莊十文十五十七襄十五十六十七二十十五定七哀十一九吳伐我哀楚鄭侵我襄未知史公取舍何意

莊王十四 魯莊公十一 臧文仲弔宋水宋湣公九宋大水公

自罪魯使臧文仲來弔

案春秋書內大水者八宋大水一

以公使弔書

紀災也乃表止書

宋水殊爲失倫蓋因魯弔宋之故然弔常事耳旣不爲紀災起見則此可不書又左傳云宋大水公使弔焉未詳所使何人而史公以文仲實之蓋誤讀左傳也此與宋世家竝妄

釐王元年 魯莊公十三曹沫劫桓公反所亡地

案曹沫事史仍公羊之謬也說在刺客傳

釐王三 晉侯潛二十八曲沃武公滅晉侯潛以寶獻周周命

武公爲晉君并其地

案潛以魯桓八年立莊十五年滅共在位二十六年不得有二十八年蓋因此表于前誤滅哀侯一年小子侯一年遂增侯潛之年至二十八其實二十六年也乃世家未嘗誤書年

數而亦云二十八何歟。又左傳王命曲沃伯爲晉侯在魯莊十六年爲滅潁之明年。此與世家皆并書于滅潁之歲非也。鄭厲公元年厲公亡後七歲復入。案元年上失書名亡而復入。當依衛獻公出公之例稱後元年。不得直稱元年。與前無別。世家固云厲公突後元年也。又厲公亡後十七歲復入。此本脫十字。他本或脫七字。竝是傳刻之譌。

釐王四 晉武公稱并晉已立二十八年

孫侍御曰。武公立于哀侯之二年。歷八年。又小子四年。又潁侯二十六年。則已卽位三十八年矣。是年當爲三十九年。表云已立二十八年。世家又云已卽位三十七年。俱誤。後格二十九當作四十。世家謂凡三十九年而卒。亦誤也。

釐王五 楚文王十三

案表與世家皆謂楚文在位十三年其子堵敖繼立五年被弑然非也攷左傳魯莊十九年楚文王卒魯莊十九當楚文十五則不止十三年而堵敖以魯莊二十年立二十二年見弑不得有五年蓋史妄減楚文之二年以益其子也

惠王元年 堵敖薨元年

案索隱本引表作杜敖又云世家作莊敖音壯亦作堵然今本表作堵世家作杜與索隱說相反各本史記中索隱皆訛蓋後人改

之攷左傳作堵敖則杜莊二字俱以音形相近互訛也堵敖

上失書楚字薨世家作熊羆

集解引史記音隱曰羆古羆字徐廣曰一作動必訛本也但

以表前後所書若敖甯敖邾敖例之則當去羆字而書之曰楚堵敖元年方合

惠王二燕衛伐王王奔溫立子頹

案左傳莊十九年五大夫奉子頹以伐王不克出奔溫燕衛復伐周遂立子頹明年王處于鄭之櫟則燕衛其再伐也非首伐也奔溫乃子頹也非王也卽王之處櫟亦在三年也非二年也此與本紀及衛鄭世家言奔溫全謬以燕衛爲首又此所誤說夫伐王大逆表所必書且表書戎伐襄王矣則惠王之前有犬戎伐幽王惠王之後有叔帶以狄伐襄王有子朝伐悼王敬王有子朝之黨僭黜伐敬王何以皆不書况天子蒙塵亂臣僭位尤大變之宜書者故表書襄王奔汜矣此以王三年處櫟爲二年奔溫後以敬王十六年處姑猶爲奔晉雖並屬誤端猶書之也而敬王元年居狄泉何以獨不書子頹之篡立旣書矣而叔帶子朝之篡立俱不書何歟

宋桓公七取衛女文公弟 案桓公取文公女弟不知何時

表書于七年妄也

燕莊公十六伐王奔王溫

他本作王奔溫

立子頹

案此年伐王八

字及後年鄭執我仲父五字皆當削之燕世家所書十六十七兩年伐周及執仲父事亦當削蓋伐王是南燕也仲父是南燕伯也南燕姑姓與召公後姬姓之北燕別史公混而一之李代桃僵豈不謬乎世家集解譙周曰逐惠王者乃南燕姑姓以爲北燕失之路史國名紀注亦以史爲誤索隱謂元是北燕以杜君爲妄說戾甚

杜君指左傳注

惠王四誅頹

案討逆大事表所宜書乃書誅頹而不書殺叔帶

襄王殺子

朝

敬王何也

惠王五太子母早死惠后生叔帶

案太子與叔帶皆惠后所生非異母也說在周紀一本無太子母十字蓋脫

齊桓公十四陳完自陳來奔田常始此也 案表不言田氏始此而言田常始此者因左氏莊二十二年陳完奔齊傳有成子得政之語也田常卽陳成子恒史避漢文帝諱以常字代之宜已而不曰陳常其義安在攷春秋經傳從未稱陳爲田至戰國始稱田氏左傳疏曰田必非敬仲所改未知何時改耳余疑是篡齊時所改大事紀云自春秋後稱田氏乃史妄謂敬仲如齊以陳爲田見世家其作世家直云田完而凡所引經傳盡易陳爲田以合其說漢書地理志及王莽傳竝言陳完奔齊更稱田氏世家注亦皆言敬仲所改蓋誤仍之風俗通皇霸篇陳完奔齊始食田采姓田氏焉說亦無据後書法雄傳云秦

滅齊子孫改稱法氏。今預號陳完。陳恒爲法完。法恒可乎。秦策稱齊宣王爲陳侯。與此先後不倫。政全而其所以改陳爲田者。世家集解應劭曰。田始食采地。由是改田氏。卽風俗通說。索隱曰。陳田二字聲相近。遂爲田氏。通志氏族略曰。陳氏音訛爲田氏。三說以索隱爲勝。而義未明備。蓋篡齊之時。陳已久滅。故以本國舊號爲嫌。改稱田氏。而古人陳田二字。形近音全。或相通借。何以證之。信南山之詩曰。維禹甸之。鄭注周禮。稍人引韓詩句作甸。周頌有瞽曰。應田縣鼓。箋云。田當作棟。是形聲相近也。釋文音甫甫田之詩曰。倬彼甫田。歲取十千。我取其陳。易林咸卦曰。秋梁未成。無以至。陳水深難涉。使我不前。是讀陳爲田音也。晉語輿人誦曰。佞之見佞。讀若寧果喪其田。易林觀卦曰。青牛白咽。呼我俱田。歷山之下。可以多耕。



噬嗑卦曰徑邪賊田惡政傷民是讀田爲陳音也

前編云田齊之封邑

陳滅後改稱田亦非

晉獻公五伐驪戎得姬案伐戎得姬左傳附見于莊二十八年晉獻不知的在何時而表與世家俱書于五年未詳所據

楚堵敖五弟憚案堵敖無五年說已見前而所謂弟憚者卽楚成王攷成王之名左氏春秋作頽是也公穀訛作髡而史表及世家俱作憚蓋從公穀之髡而誤爲憚字竝以音近致訛豈成王有三名哉互詳鄭表

惠王七 曹釐公夷元年

附案莊二十四年春秋戎侵曹曹羈出奔陳赤歸于曹郭公左氏無傳杜注云羈蓋曹世子也先君既葬而不稱爵者微

弱不能自定。曹人以名赴赤。僖公也。蓋爲戎所納。故曰歸郭。公經闕誤也。孔疏云。杜以此書曹羈出奔陳。赤歸于曹。與鄭忽出奔衛。突歸于鄭。其文相類。附彼爲之說。史記僖公名夷。三家經傳有五。而皆言赤。杜以鄭突類之。知赤是僖公。書有舛誤。何必史記是。而杜說非。賈逵以爲羈是曹君。赤是戎之外孫。故戎侵曹。遂羈而立赤。亦以意言之。無所據也。然則依杜注。孔疏。曹羈已立爲君一年。春秋曹莊公以魯莊二十三年十一月卒。二十四年冬。曹羈出奔。表所書曹釐元是歲。應書曹君羈元年。移釐公元年于後歲。方合。胡乃年表世家俱削而不載。直云莊公卒。子釐公立。赤爲釐公名。疑史作夷誤。抑豈釐公有二名歟。但有未敢信者。羈果莊公之世子。春秋奚獨不書羈雖微弱。立已期年。又奚不能自定之有。史謂僖公名夷。漢書人表竝名夷。似

亦不得斷史爲獨誤。孔以賈言赤戎外孫無據。則杜言赤爲戎納豈遂有據耶。是當缺疑。或曰公羊以羈爲曹賢大夫。諫曹伯勿自敵戎。不從。遂去之。以赤爲郭公。言郭公名赤。舍國而歸於曹。作一句讀。穀梁於曹羈無傳。其釋赤之歸曹與公羊全。恐左傳注疏俱非。曰公穀未見全是。以羈爲曹大夫。義若可通。至以赤爲郭公。殊妄。無論出奔他國。不得謂之歸。而春秋書法。從未有倒敘者。奈何以赤爲郭公之名乎。公穀注疏未免迂曲。又莊二十六年春秋書曹殺其大夫。公羊傳曰。不死于曹君者。何休注云。曹伯爲戎所殺。諸大夫不仗節死。義獨求生。後嗣子立而誅之。穀梁傳曰。爲曹羈崇也。楊疏引范答薄氏云。羈賢大夫。使出奔他國。終于受戮。君子愍之。夫曹莊公以魯莊二十三年十一月卒。至二十四年冬戎始

侵曹則安得言爲戎所殺哉。羈之出奔其歸不歸無證。何知受戮是羈。卽以爲羈將歸于曹而被戮耶。何以春秋書出不書入。然猶云大夫或不書入也。若謂被他國所戮而歸咎于曹耶。不應春秋書曹殺其大夫。因知公羊注所稱嗣子當指僖公。必是僖公爲戎所敗。時僖居喪。故稱嗣子。迨除喪而後誅。不用命之大夫也。

惠王九 晉獻公九始城絳都之

附案是年城絳。非始都絳也。之字當衍。水經注六引表作始

成絳都可證。

成城古通

惠王十二 晉獻公十二太子申生居曲沃。重耳居蒲。城夷吾

居屈驪姬故

案左傳三公子居鄙在魯莊二十八年。當晉獻十一年。此作

十二與世家竝誤

惠王十四 齊桓公二十三伐山戎爲燕也

案左傳及燕世家伐山戎在齊桓二十二年此與世家竝誤書于二十三年

惠王十五 魯莊公三十二子般

史記曰慶父弑子般缺慶父弑三字

惠王十六 魯潛公開元年

案索隱引世本左傳疏引杜世族譜及漢志釋文皆作舛方惟史避諱作開蓋缺方字當作開方

晉獻公十六伐魏取霍 案伐字當依秦本紀及晉世家作滅取字又耿之譌

衛懿公八翟伐我 案春秋閔二年書狄入衛爲懿公九年

世家與春秋合此作八年誤

曹昭公元年 案昭公名班此失書名

惠王十七 魯閔公二季友自陳立申爲釐公

案春秋季友自陳來歸在閔元年此表書季友奔陳而不書其歸又云自陳立申非也攷左傳自陳必自邾之誤蓋其時季友以僖公適邾及慶父奔莒乃入立之耳

國怨惠公亂滅其後更立黔牟弟衛戴公元年 案此衛懿公九年也不書九字已誤以黔牟弟之子戴公爲黔牟弟又誤蓋前年表中翟伐我公好鶴士不戰滅我國十二字當移在此年與國怨惠公亂云云并書之再補入九字爲懿公九年黔牟弟下補子申二字戴公下補申字方合至戴文二公之立全在此年冬盧學士考之甚明考曰以詩左傳并毛鄭

服杜注及孔氏正義合考之知衛戴公實以魯閔公二年十二月立立而旋卒文公卽繼立踰年改元是年爲魯僖公之元年皆較然無可疑者證以史記年表衛懿公之九年卽戴公元年明年爲文公元年凡在位二十五年適相合矣當狄之入衛也衛之君臣皆盡無復文告其卒其立卽告亦必不能如期許穆夫人之賦載馳蓋但聞戴公之立而不聞其卒故謂是詩作於魯僖之元年是也謂必作於元年之六月以我行其野芄芃其麥二語爲之證以爲戴公是時尚在則非也夫麥以秋種在周之十二月已有苗矣芃芃之盛苗亦可以當之不必定指其秀其實詩不云芃芃黍苗乎然則是詩之作必在正月二月間其去狄入衛之時不甚遠故但聞戴公之立不聞戴公之卒自屬事理所有不可卽據是以爲戴

公無恙之證。齊之去衛與許之去衛更遠矣。聞戴公之在漕。邑命公子無虧帥車三百乘甲士三千人以戍漕。更非旦夕可辦之事。亦必在魯僖之元年。然亦不可據是以爲戴公尚在也。左傳云。文公爲衛之多難也。先適齊。及敗宋桓公逆諸河。宵濟。杜注謂逆諸河者。迎衛敗衆。此則杜氏之誤。逆之爲言。不可施于卑賤之徒衆。蓋此所逆者。卽文公也。夫許穆夫人以一女子。尚知閔宗國之顛覆。欲馳驅以歸唁。曾謂文公賢者。反安坐于齊。不亟奔赴於新君。之所以其紓國難乎。卽以左氏文義求之。上云爲衛之多難。下云及敗。語意正相承接。若夫石甯二守之出也。狄入衛。遂從之。又敗諸河。此時衛之敗衆能渡河者。已早自渡河矣。否亦奔迸四方矣。焉有徘徊河上。不畏狄人之殲。而忍死以待宋桓之逆乎。然則文公



既隨戴公在漕。戴公旋沒而國人卽推文公繼之。故左氏遂敘文公之事於魯閔二年之末。服云戴公卒在於此年。杜云衛文公以此年冬立。服杜之注明白如此。不可目爲無稽之說也。今人之所以致疑者。以戴公之無元年而稱元年耳。夫戴公亦欲踰年改元者。然而其身已不及待矣。其臣子憫其經營再造於艱難危苦之會。而不忍使從未成君之例。於是卽以懿公之九年爲戴公之元年。此朱子綱目之例。而不謂古之人已有行之者。政可見人情之不甚相遠也。至於戴之爲諡。雖見於周書之諡法。在當日亦必以爲國人翼戴之故而遂稱之。卽以懿公之爲懿。名亦浮其實矣。要皆無暇集衆定議。告於廟而後宣播者也。且衛之後世如輒之出奔。且有孝公之諡矣。寧能盡拘常典乎。故夫十數日之君之有諡也。

以前君之年爲其年也。皆變禮也。舉不足致疑。孔氏詩正義云。以衛旣滅而立不繫於先君。此論誠然。然使戴公得以踰年。亦必不奪懿公之一年爲其年。唯其旋立旋卒。而臣下又不忍沒之。故不得已而與懿公共此一年耳。戴公固未嘗當年改元也。若文公之立之亦在漕也。斷然爲魯閔二年之十二月。於詩尤有明證。定之方中。美衛文公作也。其次章曰。升彼虛矣。以望楚矣。望楚與堂景山與京降觀于桑。卜云其吉終焉允臧。皆文公卽位後事。毛傳云。虛漕虛也。明文公初立亦在漕也。其自齊至漕。左氏有明文。由其立于魯閔二年之冬。故凡相地卜吉告於齊。齊爲之合諸侯。俱於魯僖元年中。得以次第爲之。春秋於僖二年之正月卽書城楚邱。傳以魯後往。故云不書所會後也。然則諸侯之會而城也。更在二年。

正月之前矣。夫城必計徒庸慮財用，必非一二日而可集。若以文公立在僖元年之冬，其能神速如此乎？鄭箋云：定星昏而正，謂小雪時。然則楚宮楚室之作，與城必全時而俱舉。有宮室始可遷，二年遷于楚邱，則所謂定之方中者，必在于元年之冬明甚。敬王時城成周，以八月告晉，十一月晉合諸侯，踰年正月始賦功，始末計歷二時。楚邱之城，約略相似。故毛鄭服杜孔氏皆當世之大儒，其於詩左傳未有不反覆參證而始決者。後之人亦不必復置異論於其間矣。此論爲馮山公發。

惠王十八 宋桓公三十三

附案此宋桓二十三也。湖本訛刻三十三。

惠王二十 蔡穆侯十八以女故齊伐我

案春秋事在穆侯十九年，此與世家竝誤在十八年。

惠王二十三 晉獻公三十三

附案湖本訛刻二十三爲三十三

惠王二十五 晉獻公二十五伐翟以重耳故

案僖八年左傳晉敗狄于采桑。號射曰期。年狄必至。夏狄伐晉。報采桑之役。復期月。杜注以晉敗狄爲前年事。則伐翟在晉獻二十四年。春秋失書。此與世家竝誤在二十五年。蓋讀左傳未審耳。

曹共公元年 案共公名襄。此失書。

襄王元年諸侯立王

案諸侯立王四字。當移在前一年襄王立。畏太叔句下。卽春秋僖八年盟洮之事也。

魯釐公九齊率戎伐晉。亂至高梁。還。案戎乃我字之訛。然

攷是役也令不及魯故春秋不書則魯未嘗與伐晉此與魯世家誤

秦穆公九夷吾使卻芮賂求入夷吾 史詮曰求入下行夷吾二字

襄王三欲誅叔帶奔齊

案此事當在襄王四年說在周紀於文當重叔帶二字鄭文公二十四有妾夢天與之蘭生穆公蘭 案夢蘭之事左傳在宣公三年乃追敘之未定在何歲此與世家書于鄭文二十四年非也

襄王四 齊桓公三十八使管仲平戎子周

附案湖本訛于爲子字

襄王五 齊桓公三十九使仲孫請王言叔帶王怒

案左傳齊侯使仲孫湫聘周且言王子帶事畢不言歸復命曰王怒未息若依表所說則是因言叔帶而王怒也殊謬

秦穆公十三丕豹欲無與案史詮謂丕豹上脫晉飢請粟四字是也但豹是請伐晉不云無與晉粟說在秦紀

襄王六晉惠公五秦飢請粟晉倍之

史詮曰我作晉非也

楚成王二十六滅六英案春秋楚人滅六在魯文公五年當楚穆王四年後此二十四歲表及世家皆書之則此誤書滅六明矣世家于是年單書滅英徐廣曰一本作黃夫英卽英氏路史云六其滅未知何時然考楚成王二十六年當魯僖公十四年而僖十七年春秋云齊人徐人伐英氏則此誤書滅英又明矣反覆參詳知此乃是滅黃之誤元屬二十四

年事錯書于二十六年耳。至陳杞世家索隱與夏本紀黥布傳正義竝云英後改葬則謬也。

襄王七 魯釐公十五五月日有食之不書史官失之

案不書下脫朔與日三字否則竟似不書日食矣。

蔡莊公甲午元年 案蔡本侯爵何忽稱公後年書莊侯薨

世家亦作莊侯則此稱公誤亦猶後稱文公靈公平公也。

襄王八 晉惠公七重耳聞管仲死去翟之齊

案重耳如齊將以求入非因仲之死也說見世家。

秦穆公十六爲河東置官司 案事在十五年左傳及秦紀

可證此誤後一年。

襄王十 孝公昭元年

附案孝公上失刻齊字他本有殺梁僖廿七年釋文昭或作

照非。

襄王十三 楚成王三十三執宋襄公

附案執字訛刻作執

襄王十五 秦穆公二十三迎重耳於楚

附案送重耳于秦因秦召之也見晉語四

衛文公二十三重耳從齊過無禮 案左傳重耳先過衛後

適齊晉語先適齊後過衛此表從晉語也但衛文賢君何以

無禮重耳晉語曰衛文公有邢翟之虞不能禮焉甯莊子言

于公弗聽則情尚有可說厥後晉文怒衛伐其國而執其君

不免已甚矣然表書重耳過衛在二十三年爲魯僖之二十

三年雖若與左傳合而實是舛謬蓋左傳追敘前事耳世家

書于十六年亦誤衛文十六年無邢狄之難攷春秋僖十八



年邾人狄人伐衛。魯僖十八，卽衛文十八，則重耳過衛當在衛文十八年也。更有一確證：韋昭晉語注云：魯僖十八年冬，邢狄伐衛，文公故不能禮，則重耳過衛非衛文十六與二十三等年可知。

曹共公十六，重耳過，無禮，僖負羈私善。案重耳過曹，左傳在魯僖二十三年，此書于曹共公十六年，與傳無違。然傳實追敘前事，不定在是年。世家雖亦書于共公十六年，而加一初字，甚合。

襄王十六 晉文公元年

案文公失書名。

誅子圉 史記曰：誅當作殺。

魏武爲魏大夫趙襄爲原大夫 案魏武卽魏武子犇，蓋脫

子字趙衰湖本訛刻襄字也趙衰爲原大夫在晉文二年左傳甚明夫原爲襄王所賜以答勤王之勲而納王在二年安得元年便有原乎此誤

咎犯曰求霸莫如內王案此文公二年事誤在元年左傳世家是

宋成公王臣元年附案成公之名左氏及公羊經皆作王臣史記全之而穀梁經作壬臣疑王訛爲壬釋文固曰本或作王臣也周頃王之名史亦訛爲王臣矣至左傳釋文謂本或作五臣明是誤刻不足取據定四年釋文作壬臣故知文公壬夫臣誤正益謂當爲王夫而長洲顧氏謫吉隸辨魯峻碑陰壬端子行即王字則知以形近而訛蓋古壬字寫作壬而王字亦作王故混亂耳

襄王十九 齊孝公十孝公薨弟潘因衛子開方殺孝公子立

潘

案此事三傳不載。史公蓋別有所本也。衛子開方。據世家是衛公子開方。此脫公字。

晉文公四救宋。報曹衛恥。案世家亦以爲是年往伐曹衛。以免宋。其實晉未嘗出師也。攷左傳文公四年。當魯僖二十七年。晉但蒐軍命將。部署未發。至明年春始出兵耳。而史所以誤在四年者。因此時宋被楚圍。告急于晉。先軫有報施救患之言也。

襄王二十 齊昭公潘元年

案潘繼孝公而立。孝公名昭。潘何以諡昭。蓋史記從左傳誤來。日知錄四曰。文公十四年。齊侯潘卒。傳以爲昭公。案僖公二十七年。經書齊侯昭卒。今此昭公卽孝公之弟。不當以先

君之名爲諡疑左氏之誤然僖十七年傳葛廬生昭公前後

文全

史亦全

先儒無致疑者

晉文公五周命賜公土地案左傳是年王策命晉爲侯伯

賜以大輅戎輅弓矢秬鬯虎賁非賜土地也賜土地是文公二年納王時事

衛成公三公出奔立公子瑕會晉朝復歸晉案公子瑕當

作叔武歸晉當作歸衛此誤也

陳穆公十六會晉伐楚朝周王蔡莊公十四會晉伐楚朝周王案春秋僖二十八年書陳侯如會後會也故杜注云陳本與楚楚敗懼而屬晉來不及盟則陳無會晉伐楚之事矣蔡亦從楚者左傳甚明惕于楚敗而從晉故春秋書蔡侯盟踐土也安得言會晉伐楚乎此竝誤

襄王二十一 衛成公四晉以衛與宋

案晉分衛田畀宋在成公三年此誤四年

襄王二十五 魯僖公三十三倍公薨

案隱桓閔之薨也以弑昭公之薨也以出皆非正終故表直書其事不言公薨宜矣其餘七公無被弑出亡之事乃止僖宣成襄定書薨而莊公文公不書何耶

襄王二十七 晉襄公三秦報我殺敗于汪秦穆公三十五伐晉報殺敗我于汪

案文二年春秋曰晉侯及秦師戰于彭衙秦師敗績則敗于汪者實敗于彭衙之誤也秦紀言戰彭衙是而所以誤爲汪者因是年冬晉伐秦取汪以報彭衙之役也乃此于晉秦二表並云敗于汪已屬舛錯與鄭世家言從晉伐秦敗秦兵于汪全誤

而晉世家復云秦伐晉報殺之敗取晉汪以歸九謬無論兩事不可合一而汪爲秦土不得言秦取晉汪索隱辨之矣

襄王二十八 魯文公三公如晉

案春秋書公如晉二十一此其始也乃表于文公失書一

成公失書二三及襄公失書一三昭公失書四五及十三定

公失書一三莫解其故且昭公九次如晉及河而復者五至

晉而見止者一辱于乾侯者二惟五年如晉得善往返傳所

謂自郊勞至贈賄無失禮者也而表反不書尤不可曉

襄王三十 鄭穆公六燕襄公三十六

附案湖本鄭表中失刻六字燕表中失刻三十六

襄王三十一 秦穆公三十九從死者百七十人

案秦紀作百七十七人此缺七字

襄王三十二 宋成公十七公孫固殺成公

案春秋文七年書宋公王臣卒宋人殺其大夫左傳曰宋成公卒昭公欲去羣公子穆襄之族率國人攻公殺公孫固公孫鄭于公宮然則成公無被弑之事而公孫固死昭公難春秋且以非其罪不稱名奈何虛構一公孫固殺成公之逆案乎夫弑君大惡人所共誅乃公孫固死宋昭公之難者也而史誣固弑成公鮑牧爲齊悼公所殺者也而誣牧弑悼公蔡平侯之父隱太子有楚靈王殺之者也而誣平侯弑隱太子又非若改楚棄疾弑靈王比矣說在秦紀豈非史筆之巨謬哉宋世家不言成公被弑是已而又云成公弟禦殺太子及大司馬公孫固自立爲君宋人共殺禦立昭公不但經傳無禦作亂事而成公爲桓公禦說孫則成公之弟不應與祖全名是

并所云成公弟禦者亦屬子虛烏有也先儒俱未糾駁

### 襄王三十三襄王崩

案王崩宜書也乃襄王以前皆不書襄以後始書之而又止書襄頃匡簡敬五王何歟或謂春秋十二王亦有不書天王崩者則于表何疑曰不然春秋之不書王室不告也表不可以春秋比且春秋不書莊釐頃三王之崩與表又殊尤不可引爲例矣史詮謂今本缺失恐是以意言之

魯文公八王使衛來求金以葬非禮案春秋求金在九年此誤在八年也

晉靈公二秦伐我取武城報令狐之戰案此不書前年之晉敗秦令狐而書秦之報令狐殊疎

宋昭公杵臼元年襄公之子附案襄公乃成公之誤徐廣



曰一云成公少子是也至世家正義引年表云宋昭元年杵臼襄公之子乃所見本誤不足爲據

頃王二 曹文壽公元年

附案文公壽也湖本訛刻

燕桓公元年 附案索隱引譙周云世家襄伯生宣伯無桓公今檢史記竝有桓公立十六年是允南所見本異也余謂燕有三桓公雖不免于誤而譙允南所說必是世本非史記世家小司馬誤引之

頃王三 魯文公十一敗長翟于鹹而歸得長翟

案魯敗諸侯之師多矣而表止書敗長翟其義安在豈以翟種怪異故書之歟

宋昭公四敗長翟長丘 案左傳事在宋武公之世年表世

家俱誤。世家集解不攷之左傳。但云未詳太鹵莽矣。評林余有丁曰。左傳載武公世獲緣斯。在春秋前。魯世家是。此云昭公誤也。索隱牽合以昭亦謚武。曲說不通。余說甚愜。而其所以誤在是年者。因左氏文十一年魯獲長狄僑如傳。追述宋武公時獲僑如之先緣斯。而魯文十一年政當宋昭四年。故有此誤。攷古質疑曾辨之。

頃王四 秦康公六伐晉取羈馬。怒與我大戰河曲。

案左傳秦伐晉取羈馬。晉禦之于河曲。秦掩晉上軍。趙穿追之不及。反怒以屬出。則怒者獨穿一人。安得謂晉因秦取羈馬而怒乎。又是役也。戰交綏。亦不可言大戰。說在秦紀。

頃王五 頃王崩。

案頃王崩三字當書于六年。

楚穆王六 附案此穆王十二年也湖本訛刻六字

頃王六 魯文公十四彗星入北斗周史曰十年齊君晉君

案晉君下他本有死字茲訛脫爾但左傳周內史叔服曰不

出七年宋齊晉之君皆將死亂表謬易其語爲十年而復失

數宋又春秋三書星字文十四昭十哀十三表止書其二哀十三去

取之意何在抑有疑者春秋書字史于此表及天官書改作

彗而齊世家又改字作茀攷穀梁傳云字之爲言猶茀則茀

卽是字左氏昭十七年星字于辰傳申須謂彗所以除舊布

新今除于火公羊傳三稱字者何彗星也則彗亦卽是字故

劉向封事仍天官書言春秋彗星三見漢五行志杜注左傳

郭釋爾雅俱以彗字爲一然晏子春秋載齊景公睹彗星使

伯常禱禳之晏子曰字又將出彗星之出庸何懼齊世家引

晏子曰：彗星將出，彗星何懼？晉天文志：序妖星，一彗星，二字星，偏指爲彗，芒氣四出爲字，其災字甚于彗。漢書文穎注：字星光芒短，其光四出，蓬蓬字字然，彗星光芒長，參參如掃帚。柯氏考要引革象新書：日之精變爲字，月之精變爲彗，則是判然兩星，特其類似而占全爾，豈可緼乎？

齊昭公二十是爲懿，附案是爲懿公也。湖本脫公字。  
晉靈公八年納捷菑，史諡曰：脫于郟二字。

楚莊王侶元年，附案莊王之名，左氏及公羊春秋作旅，此與世家作侶音相近也。穀梁又作呂，說文呂膺本一字，旅卽膺之省文。

匡王元年 齊懿公商人元年

案懿公二年不得民心四字，當移在元年。

匡王二 宋昭公九襄夫人使衛伯殺昭公

案左傳文十六年夫人使帥甸攻而殺之此與世家竝云衛

伯豈帥甸之名乎抑帥甸亦號衛伯乎未知所出

檀弓疏引傳作甸師

蔡文公申元年

案後書文侯薨世家亦稱侯是也此與稱

莊公全誤說見前

匡王五 魯宣公倭元年

附案漢志曰宣公倭左傳疏曰名倭或作接釋文曰名倭一

名接又作委世家亦作倭不見有別作倭者則此譌已或問

世家宣公名凡四見湖本盡作倭他本雖多作倭而于生子

倭句下皆作倭字故徐廣云一作倭豈世家傳寫誤歟曰誤

也余有二證左傳疏引世家名倭其證一索隱本引世家生

子倭注云一作倭其證二蓋此字之誤其來已久徐廣所据

史記本是倭字。遂以別本作倭者注之。索隱所見本是倭字。因以別本作倭者注之也。倭音煨順也。與委通。倭音委音腿弱也。音義迥殊。至所謂接者又倭之譌耳。委之與倭混寫已久。如倭作倭屨作是。

齊惠公元年 案惠公失書名當補元字

秦共公和元年 案宣四年春秋書秦伯稻卒。則此作和誤已。而秦紀索隱云名假未知所本。

匡王六 晉靈公十四趙氏賜公族

案左傳趙爲公族。乃成公卽位後事。世家書于晉成元年是。此誤在靈公十四年者。因左傳連敘于靈公末年。宣也。

定王元年 宋文公五贖華元亡歸鄭穆公二十二年華元亡歸案宣二年左傳華元之歸爲宋文四年鄭穆二十一年宋鄭

兩世家與左傳合此誤後一年毛本宋表中無亡字

定王三 秦共公五

案其公立四年而卒無五年也說見紀

衛成公三十一楚伐鄭與我平晉中行桓子距楚救鄭伐我  
附案此是下格陳表中語各本訛刻入衛表也

鄭襄公堅元年靈公庶弟楚伐晉來救 案公羊成四年鄭

伯臥卒疏云左氏作堅字穀梁作賢字今本改作堅今定本亦作

堅字公羊釋文云臥本或作堅九經古義曰公羊作臥穀梁

作賢本一字也說文云臥古文以爲賢字漢潘乾校官碑云

親臥寶智國三老袁良碑云優臥之寵玉篇又引作鉅與堅

全臥亦爲古堅字鉅經堅並全堅堅又與賢通東觀漢紀云後漢陰紀法

城公主名賢得續漢書天文志作堅得疑古堅字賢字皆省

作取公羊從古文作取穀梁以爲賢左氏以爲堅師讀各異故也余又攷此表與世家竝言襄公爲靈公庶弟然徐廣于世家引年表云庶兄其爲兄爲弟莫由詳定人表謂襄公乃靈公子則誤矣楚伐下似脫我字

說文取部讀若銓鎋之銓集韻入耕韻蓋本音也

定王四 晉成公四與鄭侵陳

附案宣六年春秋晉與衛侵陳此誤毛本作衛

定王六 陳靈公十三楚伐我滅舒蓼

案楚滅舒蓼與陳何涉且攷宣八年春秋滅舒蓼在夏六月伐陳在冬十月以後判然兩事楚非一出師而及二國也滅舒蓼三字當是羨文

定王七 晉成公七使桓子伐楚以諸侯師伐陳救鄭成公薨楚莊王十四伐鄭晉卻缺救鄭敗我鄭襄公五楚伐我晉來



救敗楚師

案宣九年春秋九月晉荀林父伐陳晉侯卒冬楚子伐鄭晉卻缺帥師救鄭則伐陳者桓子而救鄭者卻缺也此晉表與晉世家竝以救鄭爲桓子誤一攷左傳陳不會晉于扈故伐之鄭爲楚伐故救之判然兩事此晉表與晉世家合伐陳救鄭爲一役誤二又傳稱鄭敗楚師于柳棼晉未嘗伐楚亦未嘗敗楚乃此晉楚鄭三表及晉世家皆言晉伐楚與楚戰敗楚師虛誕不實誤三鄭表敗楚或屬鄭說尚合

定王八 齊惠公十公卒崔杼有寵高國奔衛

案左宣十年齊崔氏出奔衛傳曰崔杼有寵于惠公高國畏其偪公卒而逐之奔衛世家亦仍傳文乃此以爲高國奔衛誤甚史詮謂高國下今本脫逐之二字非也衛表中又書齊

高國來奔矣。

景公據元年與宋伐鄭。案景公上失書晉字。又春秋景公名獮。此與世家皆作據。疑史誤。或曰是二名也。又宣十年春秋晉宋衛曹伐鄭。此言與宋疎矣。

衛穆公邀元年齊高國來奔。案世家作邀。從公羊也。左穀俱作速。古字全。此作邀訛。邀音敕。與次旁者別。又奔衛者崔杼。非高國也。說見上。

鄭襄公六晉宋楚伐我。案春秋是年衛曹亦全伐鄭。此與晉表竝疎脫。

定王十 晉景公三救鄭爲楚所敗河上

附案趙世家徐廣曰。年表救鄭及誅滅皆景公三年。今本史表無誅趙氏事。豈傳寫脫耶。抑後人知其誤而刪之耶。

燕宣公五楚圍我我卑辭以解 附案此是上格鄭表中語  
各本訛入燕表也

定王十三 魯宣公十五初稅畝

案稅畝書矣襄十一年分三軍哀十二年用田賦皆書矣而  
成公元年獨不書作邱甲何也

世家止書分三軍

晉景公六救宋執解楊 案宣十五年傳楚自前年九月圍  
宋未解宋人告急于晉晉侯欲救之伯宗以爲不可乃止使  
解揚如宋詭言晉師悉起晉世家所謂使解揚結爲救宋也  
鄭人執解揚而獻諸楚此表直云救宋已非事實又但云執  
解揚竟似揚爲楚臣而晉執之矣文義欠晰或有脫文執字  
訛刻執揚與楊古通

楚莊王二十圍宋五月 案春秋宣十四年九月楚子圍宋

十五年五月宋及楚平故杜注云在宋積九月呂氏春秋慎勢行論兩篇述此事亦謂莊王圍宋九月也表與宋楚二世家作五月蓋因春秋有五月之文而誤耳

鄭襄公十一左楚伐宋執解楊附案左乃佐之訛執乃執之訛

定王十六 齊頃公八晉伐敗我

案敗字衍此卽左傳宣十八年陽穀之役也晉受齊質子而還未嘗交兵安得言敗

晉景公九伐齊質子彊案此公子彊也脫公字

定王十七 魯成公黑肱元年春齊取我隆

案世家徐廣曰肱一作股以黑肩黑臀命名類之作股亦通然諸書皆作肱字左傳圍龍在二年魯晉兩世家與傳合此

誤書于元年但魯地爲他國所取屢矣而表止書齊取者三  
成二取龍昭二十六其義何在又龍字史皆作隆疑古人通  
取龍哀八取三邑用孟子龍斷亦以高爲義故索隱引劉氏云隆卽龍也至索  
隱又引鄒誕及別本作伯謂卽鄆字是大不然魯有東西兩  
鄆竝非北境而此年齊伐魯北鄙圍龍則安得以爲鄆乎龍  
屬泰山博縣正當魯北爲今泰安州西南

楚共王審元年 附案楚語恭王名歲與春秋史記作審者  
異宋庠補音曰作歲疑非是歲審音相近楚夏語或然

定王十八 魯成公二齊歸我汶陽

案是年齊歸我汶陽至八年我歸齊汶陽田不終屬魯也乃  
止書歸我而不書歸齊何也

晉景公十一與曹敗齊 案成二年春秋晉與魯衛曹三國

敗齊而三傳及齊晉世家皆不及曹卽曹年表世家亦不書  
微之也乃此偏略魯衛而獨言曹殊不可解豈史家互見之  
法歟抑魯衛皆大夫曹爲公子故耶

定王十九 魯成公三伐楚鄭

案楚字當衍誤增也

齊頃公十一頃

此字當衍

公如晉欲王晉晉不敢受

案史言齊

尊晉爲王與越絕書言晉鄭王何異索隱引王劭案張衡云  
禮諸侯朝天子執玉旣授而反之若諸侯自相朝則不授玉  
齊頃公戰敗朝晉而授玉是欲尊晉爲王夫諸侯相朝授玉  
春秋之僭禮也成六年左傳鄭伯如晉授玉東楹之東則知  
是時相朝授玉無國不然何獨齊頃若因授玉之故便謂尊  
王豈鄭悼公亦欲尊晉景公爲王乎張說不可通矣攷成三

年傳齊侯朝晉將授玉。卻克曰：「此行也，寡君未之敢任。」史誤會左傳以玉作王，以未敢任來朝爲不敢受王。蓋古字玉皆作王。此表楚靈王元年肘王，平王元年抱王，竝與玉全。荀子王霸篇改王改行，竹書夏帝發元年諸夷賓于王門。呂氏春秋首時篇不忘王門之辱。吳本趙策亦作王門。正名過理二篇公王丹作公王丹。公王氏音宿點在上。周禮九嬪玉璽注：「故書玉爲王。」杜子春讀玉。說文王部宋徐鉉引李陽冰解：「中畫近上爲王。」三畫正均爲玉。史實緣此致誤。善乎左傳疏辨之云：「齊世家頃公朝晉，欲尊王。晉景公不敢當。晉世家齊頃公如晉，欲上尊景公爲王。景公讓不敢。然此時天子雖微，諸侯竝盛。晉文不敢請隧，楚莊不敢問鼎。又齊弱于晉，所較不多，豈爲一戰而勝，便卽以王相許，準時度勢，理必不然。」竊原馬遷之意，所以

有此說者。當讀授玉爲授王。遂飾成謬辭耳。惠棟謂晉作六軍。擬于王。故欲尊之。亦非也。通論語有問王。晉王伯厚漢志攷證疑問王爲問玉。而不知問

王卽問王也。左傳哀十二年玉暢宋本作玉暢

晉景公十二始置六卿。案晉是作六軍。而此與齊晉二世家俱誤稱六卿。夫晉之將佐皆卿也。六軍未置以前。曾作五軍。卿有十人。三軍旣復以後。尚號爲六卿。豈在斯時。卿位反僅止于六乎。

宋共公瑕元年。案春秋共公名固。而史俱作瑕。豈有二名歟。抑史誤也。

蔡景侯四伐鄭。附案伐鄭乃下格。曹表中語。訛入蔡表。

定王二十。鄭襄公十八。晉欒書取我范。

案成四年左傳取汜祭。杜注是一地。指成臯東汜水爲言。其



實乃二邑釋文云。注音凡或音祀。祭側界反。此與晉世家竝脫祭字也。索隱本作祀。則范爲今本訛刻。

定王二十一 楚其王五伐鄭

案春秋伐鄭在後一年

簡王元年 吳壽夢元年

案春秋書吳子乘卒。則當作吳子乘元年。乃史公于吳獨不

書爵而直書名。又或舍名而書其號。與史例乖矣。顧氏炎武

補正曰。夢古音莫。騰反。一言爲乘。二言爲壽夢。非號也。顧說本于服虔。見襄十年左傳疏。與杜注以壽夢爲吳子之號不全存之以索隱引世本居篇云。孰哉。仲雍居藩籬。孰姑徙勾

吳。宋衷曰。孰姑壽夢也。代謂祝夢乘諸也。則乘又字孰姑。而壽之爲祝。姑之爲諸。皆以音近而異爾。

簡王二 鄭成公踰元年倬公弟也

附案湖本悼公訛刻倬公。

簡王三 蔡景侯九晉侯伐我

案蔡表中或書晉伐我。或書晉侵我。獨此稱晉侯。必晉侯親伐之也。而成八年春秋曰。晉欒書帥師侵蔡。則侯字當衍。

吳壽夢三 附案湖本三字訛二。後年又失刻四字。

簡王六 晉厲公壽曼元年

附案厲公之名。年表世家作壽曼。春秋及成十年左傳作州蒲。應劭諱議云。周穆王名滿。而有王孫滿。晉侯州滿。釋文云。州蒲或作州滿。曼滿音相近。壽州字相通。觀古書酬作醕。可知壽曼卽州滿。曼滿音相近。壽州字相通。觀古書酬作醕。可

見史通五行志雜駁篇注謂出王邵讀書志

則

見而滿蒲二字。書傳中往往又以形近相亂。如左傳襄廿七年盧蒲癸。呂氏春秋慎行篇作盧滿癸。定五年秦將子蒲。楚

策作子滿。史記秦紀秦將到滿。惠文正義謂滿或作蒲。封禪

書蒲池。顏籀謂或作滿。春申君傳蒲衍。新序善謀篇作滿衍。

漢書高帝紀魏將武滿。史作武蒲。司馬相如傳苞蒲作苞滿。

後書光武紀上蒲陽。順帝紀蒲陰。注謂或作滿。蒲陽今直隸保定府蒲城

是王昌傳將軍鄧滿。注引續漢書作蒲。列子湯問篇蒲且子。

張衡傳作滿。且莊子天地篇有人名赤張滿稽。釋文云滿或

作蒲。可以類證已。

簡王八 晉厲公三獲其將成差

案成十三年左傳晉獲秦成差及不更女父。此與世家皆失

書女父。豈以偏裨略之歟。

鄭成公七伐秦 史詮曰脫晉率我三字

簡王九 秦桓公二十七

案桓在位二十八年非二十七而卒也說在秦紀

簡王十 宋共公十三宋華元

史詮曰華上行宋字

曹成公二晉執我公以歸 案晉執曹君討其殺太子而自立也次年反國表但書執而不書反疎矣執訛執

簡王十一 宋平公成元年

案成一作戌說在世家

簡王十三 晉厲公八立襄公孫爲悼公

案悼公爲襄公會孫此誤

鄭成公十二與楚伐朱 附案宋訛刻朱

簡王十四 魯襄公午元年圍宋彭城

案魯之圍國多矣而表止書圍宋何也

齊靈公十我不救鄭晉伐我 案左傳齊不會圍宋故晉討之非因不救鄭而見伐也是時鄭服于楚晉連年往伐諸侯方欲城虎牢以偏鄭齊不服楚何爲救鄭表誤書之

晉悼公元年 案悼公名周此失書

宋平公四楚侵我取犬丘晉誅魚石歸我彭城 案左傳侵宋呂留者楚也侵宋取犬邱者鄭也此云楚取犬邱誤晉降彭城以魚石等五人歸賓諸鄒邱未嘗誅也此與世家云誅魚石亦誤

鄭成公十三晉伐取我兵次洧上 案左傳晉伐鄭敗其徒兵于洧上則取乃敗字之訛次字當衍而所以誤入次字者因是役也諸侯之師次于鄆以待晉耳

靈王元年 魯襄公二會晉城虎牢

案城虎牢乃晉悼扼鄭之吭以制楚之南向其功甚偉表固宜書之然僖二年城楚邱矣十四年城緣陵矣何以不書猶云春秋不稱魯也若襄二十九年城杞昭三十二年城成周魯皆與于會似較城虎牢爲美以有尊周保小之義焉乃表皆不書而獨書城虎牢未免失倫

靈王二 齊靈公十二年伐吳

案春秋是年無齊伐吳事乃因楚伐吳而錯出也當衍

鄭釐公憚元年 案釐公之名左氏春秋作髡頑公穀作髡

原

索隱謂左傳作髡原非

當從左爲是公穀以頑爲原口授之際音近

致訛而年表世家竝作憚音與髡亦相近疑訛髡爲憚又失頑字未必史公別有所據釐公有二名也所以知者楚成王名頤公穀訛爲髡而年表世家俱作憚蓋史實作髡誤爲憚

字是其例矣。穀梁釋文云：「又作郡，或作頽。」

靈王三 晉悼公四狄朝晉

史諡曰：我作晉非也。

靈王四 魯襄公五季文子卒

案春秋書內大夫之卒者三十一人而表止書季文子季武子。豈以二子始專國政乎？季氏之先莫賢于季友，其後莫惡于季平子，如意而皆不書，何也？

成公薨，陳哀公弔元年。附案成公薨三字，當書于前格。成公三十年，此訛在哀元年。哀公之名，春秋作溺，釋文音乃歷反。此與世家及漢書人表作弱，蓋古通用。禹貢弱水，說文作溺水。

靈王六 陳哀公三楚圍我爲公亡歸

案襄七年左傳楚圍陳晉會于鄆以救之楚僞執公子黃陳人使告陳侯于會哀公逃歸則楚圍陳者爲陳服晉不爲亡歸也公亡歸者逃晉鄆之會非自楚亡歸也此誤

鄭釐公五子駟使賊夜殺釐公 附案史記弑字多作殺音試是殺卽弑也世家徐廣引此文直作弑經典釋文於殺弑字字皆音辭繁不殺由弑之作殺者多也後人盡改作弑徐氏蓋亦改而引之

靈王七 鄭簡公喜元年

案喜當作嘉

靈王八 魯襄公九年十一可冠於衛

案十一當作十二又史證曰可冠冠於衛脫下冠字各本皆失之



宋平公十二晉率我伐鄭師 附案師字衍各本俱無

衛獻公十三師曹鞭公幸妾 案鞭妾瑣事表可不書且未  
定是此年事表與世家俱書于十三年妄也

蔡景侯二十八晉率我伐鄭 附案此乃下格曹表中語訛  
入蔡表也

鄭簡公二誅子駟 案事在簡三年此在二年誤春秋襄十  
年書盜殺公子駢則誅字誤

靈王九王叔奔晉

案王朝卿士之出奔者衆矣何獨書王叔是可不可不書

鄭簡公三子孔作亂子產攻之 案子孔何嘗作亂子產何  
嘗攻子孔史妄矣攷襄十年左傳尉止等作亂殺子駟子國  
子耳春秋書曰盜而子產攻盜北宮盜衆盡死此直以盜目

子孔與世家言子孔使尉止殺子駟全謬。豈因子孔知尉止之難而不言。又召楚師至純門。終于見殺。遂并目爲盜賊。而世家又言子駟子孔欲自立爲君。此種畸說。緣未細覈左傳來。

靈王十 魯襄公十一三桓分爲三軍各將軍案作三軍書矣。而昭五年舍中軍不書何也。

晉悼公十一九合諸侯 史詮曰。缺賜之樂三字。

秦景公十五我使庶長鮑伐晉救魏敗之櫟 案襄十一年左傳秦使庶長鮑及武仝伐晉。此不書庶長武略也。鄭譌作魏。毛本是鄭字。

楚共王二十九鄭晉伐我 案春秋襄十一年無其事。此必與鄭伐宋之誤。

衛獻公十五救鄭敗晉師櫟 案伐鄭者晉也救鄭敗晉者秦也衛與晉伐鄭未嘗與秦敗晉此六字當行史詮云救鄭乃伐鄭之誤衍敗晉師櫟四字

靈王十一 吳壽夢二十五壽薨卒

附案湖本夢字訛薨

靈王十二 吳諸樊元年

案左氏春秋襄二十五年書吳子遏卒人表全人表列吳遏于下上列吳諸樊于中中蓋誤以公穀作謁古字通用諸樊是遏之號舍為兩人而重出也名稱號非例也當作吳子遏元年

靈王十三 晉悼公十四率諸侯大夫伐秦敗械林秦景公十八晉諸侯大夫伐我敗械林

案此襄十四年左傳所謂遷延之役也晉但無功而還不可

以敗書說在秦紀

楚康王招元年共王太子出奔吳。案康王之名。三傳春秋及國語注俱作昭。此與世家作招。古通。索隱本作略誤。又共王之太子卽是康王。安得別有太子。且亦無奔吳之事。攷春秋傳是年楚伐吳爲吳所敗。獲楚公子宜穀。史公必因此而誤以宜穀爲太子以見獲爲出奔也。

衛獻公十八立定公弟秋。案世家秋作狄。古秋狄二字多互訛。如襄十八年左傳雍門之萩。水經淄水注引作萩也。但三傳春秋皆作剽。人表又作焱。乃焱之譌。攷詩采芣章蕭與秋合韻。荀子解蔽篇引逸詩秋與簫合韻。則秋焱與剽音近。或相通借。狄爲秋之誤爾。又杜注云剽穆公孫。人表注云獻公弟。俱欠晰。剽乃穆公子黑背之子。於定公爲從子。於獻公

爲從父昆弟年表與世家俱云定公弟，謬甚。

靈王十四 衛殤公狄元年

案杜於左傳襄廿六年殺子叔，注云：子叔，衛侯剽，言子叔剽無諡。故孔疏曰：此剽，黑背之子。成十年傳：衛子叔黑背侵鄭。黑背，字子叔，卽以子叔爲族也。元年衛侯使公孫剽來聘，傳云：子叔來聘，是舉族而稱之，爲剽無諡，故稱族。然則剽之諡殤，不知史公何據。

靈王十五 魯襄公十六地震

案春秋五書地震，惟見于文襄昭哀之世，乃表書其四而缺其一，文何也。

晉平公彪元年伐敗楚子湛坂 附案史詮曰：湖本于作子

誤，洞本伐作我。

靈王十六 曹成公二十二伐衛

案襄十七年春秋衛伐曹則此是衛伐我之誤孫侍御曰或是報石買之伐而春秋不盡書于策也

靈王十七 齊靈公二十七晉圍臨淄晏嬰大破之

史詮曰圍下缺我字臨淄下衍晏嬰二字

晉平公三率魯宋衛鄭圍齊大破之 案襄十八年春秋晉率以伐齊者十一國內六國無表故不書乃不及曹何也

靈王十八 曹武公勝元年

案春秋作勝此與世家作勝疑誤

靈王十九 齊莊公元年

案莊公名光此失書

靈王二十 魯襄公二十一日再蝕

案此與二十四年俱依春秋書日再蝕然歷法無頻交之理說在孝文紀

晉平公六殺羊舌虎案左傳晉殺欒盈之黨十人而此獨書羊舌虎豈因叔向之故耶又豈因其母龍蛇之語耶

靈王二十一齊莊公三晉欒逞來奔晏嬰曰不如歸之

案左傳欒盈適齊晏平仲諫齊侯毋納欒氏弗聽史言歸之妄也欒盈之爲欒逞說在晉世家

靈王二十三魯襄公二十四侵齊

案魯之侵國多矣表獨書是年之侵齊何也

齊莊公五畏晉通楚晏子謀案左傳齊懼晉結楚非晏子謀也

鄭簡公十七子產曰案子產曰三字衍

靈王二十四 晉平公十伐齊至高唐

案晉未嘗至高唐說在晉世家中

秦景公二十九公如晉盟不結 案左傳在二十八年且非公自行也說在秦紀

靈王二十五 晉平公十一誅衛殤公復入獻公衛殤公十二齊晉殺殤公復內獻公

案殤公之弑獻公之復皆甯喜爲之與齊晉何涉說在衛世家誅字欠安

吳餘祭元年 案吳下當增子字

靈王二十七 齊景公三鮑高樂氏謀慶封

案陳氏亦共謀之此缺

景王元年 楚熊酈敖元年



案熊字當衍

燕惠公元年 案史于燕事最爲疎舛而尤不能明者惠簡  
二公之事也據年表世家惠公元年齊高止奔燕六年惠公  
奔齊其年皆與春秋合惟春秋所書北燕伯款左傳以爲簡  
公而史作惠公此索隱所云與經傳不協未可強言者也余  
謂信史不如信經况燕事缺失甚多安知史不誤以後之惠  
公易前之簡公乎史自惠公而下歷悼共平三世然後至簡公相隔三十餘年史稱惠公  
在位九年簡公在位十二年然世家不說惠卒之年惟表書  
九年疑九年是七年之誤而簡公十二年之誤實明白無疑  
亦徵之春秋春秋昭十二年齊高偃納北燕伯于陽左傳以  
爲北燕伯款卽是簡公今以惠爲簡依年計之魯昭十二年  
當燕簡十五年此表爲燕悼六年矣就使簡公歸燕便卒固已十五年

矣。年表世家俱書惠公歸至燕卒未識所據。必是齊納簡公于陽事而妄爲之說也。何云十二則又安知史不誤以惠公七年爲九年以簡公十五年爲十二年而遂變亂五君。簡悼共平惠之年數乎。蓋史所紀燕君之年大半亦不足信耳。人表列惠公于下中列簡公于中下而復列北燕伯款于下上因錯認爲兩人而重出也。

吳餘祭四守門闢殺餘祭。案春秋餘祭在位四年夷末在位十七年表與世家倒錯二君之年。吳越春秋而此餘祭四年有守門闢殺餘祭之文何也。蓋後人因史誤書遂依春秋將六字移入四年史表元文必書于十七年不然既云四年殺矣何又稱十七年乎。

景王二十三年鄭簡公二十三諸公子爭寵相殺子產子成止之案相殺乃欲殺之誤子成乃子皮之誤攷左傳襄三十年駟

氏伐敗良氏子產斂葬伯有良駟氏欲攻之子皮怒曰殺有禮禍莫大焉乃止世家云諸公子爭寵相殺又欲殺子產公子或諫乃止所謂公子或諫雖非而事自合也

景王三 楚邾敖三王季父圍爲令尹

案左傳襄二十九年云邾敖卽位圍爲令尹是邾敖元年事此與世家誤在三年

景王四 魯昭公稠元年

附案世家依左傳作稠孔疏釋文全此表與漢書從世本作稠徐廣又作昭並非穀梁疏引世家作稠恐是訛耳

秦景公三十六秦后子來奔晉 案本國不得言秦而奔晉不得言來竝誤有本作公弟后子奔晉疑後人因其誤而改之毛本無來字

景王五 齊景公八齊田無宇送女來

案此書本國事不必言齊送女者致少姜于晉也不可言來當衍齊字來字

楚靈王圍元年共王子肘王 案三傳春秋皆書君虔蓋靈王卽位易名熊虔而圍其初名經止書虔者熊爲楚君通號可以不書猶平王本名棄疾卽位名熊居春秋亦止書楚子居也乃表于平王改稱居而靈王獨稱其初名世家并不及改名之事疎矣王卽古玉字李陽冰所謂三畫正均如貫玉也後文平王抱王仝說見前毛本竝作玉

景王七 魯昭公四稱病不會楚

案左傳楚子合諸侯于申公辭以時祭衛侯辭以疾表與世家皆言公稱病蓋誤以衛爲魯也

楚靈王三夏合諸侯宋地盟伐吳宋方誅慶封冬報我取五城案此卽申之會也申爲楚地非宋地又吳之伐楚取棘櫟麻三邑亦不得言五城皆史之誤吳世家作取三邑是也冬下又缺吳字至朱方之爲宋方乃湖本訛刻耳曹武公十七稱病不會楚案左傳曹辭以難此亦誤以衛之辭疾爲曹也

鄭簡公二十八子產曰三國不會附案左傳子產對楚王曰不來者魯衛曹邾是四國也史公因邾無表改四爲三景王九年秦襄公元年

附案秦伯之諡無論春秋及秦紀竝作哀公而襄公爲秦開國之祖不應子孫上全其諡蓋以字近致訛亦猶陳哀公之爲襄公魏襄王之爲哀王也秦記作畢公亦非說在紀中

景王十 齊景公十三入燕君晉平公二十三入燕君

案魯昭六七兩年左傳齊侯如晉請伐燕納簡公晉許之齊受燕賂不克入其君而還乃表云入燕君齊世家云景公如晉見平公欲與伐燕晉世家云伐燕燕世家又云齊高偃如晉請其伐燕晉許與齊伐燕入惠公皆妄說也伐燕一役齊侯往晉自請不得言高偃如晉齊受賂不克入亦不得言入其君而晉實未嘗全齊出師尤不得言晉伐燕既不全伐則燕君之入不入無關於晉何以書入燕君又況不克入乎惠簡

作簡

楚靈王六執芊尹 附案芊尹乃芊尹之訛以草名官陳亦有之釋文音于付反世家亦訛芊

燕悼公元年惠公歸至卒 案惠公當作簡公說見前而所

書歸卒之誤。甚于訛簡爲惠也。以悼立于簡未歸之先耶。而君未告薨。何以奸位。卽謂爲燕人更立。自在簡出亡時。不應書悼公元年于簡奔四年之後矣。以悼立于簡卒之日耶。而尚未踰年。何以改元。又不得援當年改元之變禮以爲例也。况是年齊受賂還。不克入簡公。奈何妄稱歸卒乎。然則簡公歸于何歲。曰春秋昭十二年齊納北燕伯于陽。魯昭十二年爲史表燕悼六年。實燕簡之十五年也。然則簡公卒于何歲。曰不可考已。其卒于納陽之年歟。其非卒于納陽之年歟。春秋不書。三傳不著。未能的知。墨子明鬼篇引燕春秋謂簡公冤殺其臣莊子儀爲其所擊。殪于車上。與杜伯射宣王相類。而亦不說其年。史蓋因納陽一語。飾成此詞。非別有所本耳。然則悼公之元在何歲。曰古史云。以晏子之言考之。則簡公

之出。燕既立悼公矣。悼公雖立而未敢改元。及齊納簡公而不入。知其決不得歸。然後卽位改元爾。至悼公六年齊高偃又以兵納簡公于陽。蘇氏論悼立于簡出之時是也。謂悼改元于齊納簡不克之年則非也。蓋簡卒而悼始改元也。悼之立攝也。與他國君更立改元者異。若果簡未卒而悼已改元。則簡不得有十五年。而悼又何止七年乎。

景王十一 魯昭公八公如楚楚甯之賀章華臺楚靈王七就章華臺內亡人實之

案昭公如楚以及楚之就章華而內亡人俱在前一年。此與魯楚兩世家竝誤。

衛靈公元年 案公名元。此因與元年連文而失書也。

陳哀公三十五襄公自殺 附案襄乃哀之譌。



景王十三 魯昭公十四月日蝕

案春秋是年無日食此誤增也說見前

晉平公二十六十月公薨 附案昭十年春秋平公卒于七

月戊子此譌作十月

竹書亦誤十月也

景王十四 楚靈王十醉殺蔡侯使棄疾圍之棄疾居之爲蔡侯蔡靈侯十二使棄疾居之爲蔡侯

案昭十一年左傳云三月丙申楚子伏甲饗蔡侯于申醉而執之四月丁巳殺之則表與蔡楚世家言醉殺蔡侯非也棄疾爲蔡公此兩稱蔡侯誤

景王十五 楚靈王十一王伐舒

附案舒卽徐也說在齊世家

蔡侯廬元年景侯子 案廬諡平此失書也廬字釋文本引

左氏經作盧蓋古通用

三傳春秋今本並作盧

如曹宣公之名公穀作

盧

人表

而左氏作盧釋文本引左氏又作盧於公羊亦云作

盧桓十三年左傳盧戎釋文本作廬卽漢地理志之中廬縣

吳世家有吳子柯廬而吳越春秋作廬可以互驗惟徐廣謂

一本蔡平侯之名作盧則是誤耳蔡以前一年滅以後一年

復立乃表不空此一格而卽書廬元年者豈亦如陳惠公之

探續先君卒年以爲元乎蔡世家何以不書又平侯爲景侯

曾孫靈侯之孫隱太子有之子年表世家及人表俱誤以爲

景侯子也

鄭簡公三十六公如晉案昭十二:left傳簡公以三月卒

如晉朝嗣君者定公也此但書公如晉不幾以爲簡公如晉

乎

吳餘昧元年

案吳下缺子字夷末之兄餘祭左傳襄二十

八年稱句餘

杜注以爲夷末索隱謂別一人皆誤

三十一年傳又稱戴吳蓋音

近隨呼耳

左襄十年疏謂餘祭戴吳非全聲是名字之異不然也

若夷末之名左穀春

秋竝全公羊末作昧

釋文云本亦作末

史于刺客傳作夷昧從公羊

也而表與世家作餘昧

索隱謂公羊作餘昧妄

夷餘聲相近古文通借

人表吳越春秋亦仍史

景王十六

陳惠公五楚平王復陳

史詮曰我作陳非也

蔡平侯二立景侯子廬

案景侯子當作景侯曾孫

景王十七

楚平王居元年共玉子

附案湖本訛王作玉

景王十八后太子卒

案后下似失崩字說見周紀

楚平王二王爲太子取秦女好自取之 案事在六年非二年也說見秦紀

景王十九 魯昭公十六公如晉晉畱之葬公恥之

案十五年公如晉世家與春秋全此誤書于十六年又公爲晉人所止故十五年冬如晉至十六年夏始返竝非晉畱使送葬且晉昭公以八月卒十月葬在公歸之後安得謂晉畱之葬此與世家俱誤蓋是年季平子如晉葬昭公史因誤以爲公耳

鄭定公四火欲禳之子產曰不如修德 案此卽裨竈請禳火之事所謂不如修德者乃史公意測言之非子產有是言也又事當鄭定公五年此書于四年誤

吳僚元年 案吳下缺子字

景王二十 魯昭公十七正月朔日蝕彗星見辰

案正月乃六月之誤彗亦宜作孛皆說見前又彗上缺冬字  
晉頃公棄疾元年 案棄字誤當作去世家與春秋合

景王二十三 魯昭公二十齊景公與晏子狩入魯問禮齊景  
公二十六獵魯界因入魯

案齊魯兩世家亦載此事孔子世家并載景公與孔子問答  
語而左傳無之未知何出疑六國時人偽造史公妄取入史  
而所以爲此說者因是年齊侯田于沛也

宋元公十公母信詐殺公子楚太子建來奔見亂之鄭 案  
左傳殺公子寅等六人乃華氏向氏如表所說竟似元公殺  
之矣楚建黨于元公故偕公子城等七人奔鄭非見亂之故

也此與世家竝誤。

蔡平侯九年平公薨靈公孫東國殺平侯子而自立。案平公靈公乃平侯靈侯之誤。說見前。但攷昭廿一年左傳平侯太子朱卽位。楚費無極取貨於東國。謂朱不用命將圍蔡。蔡人懼出朱而立東國。朱愬于楚。則東國未嘗殺平侯子也。此與世家言攻平侯子自立全誤。又東國之立在後二年。此書于平侯九年表內非。

景王二十四 蔡悼侯東國元年奔楚

案是歲爲魯昭公廿一年。乃平侯太子蔡侯朱之元年。非平侯弟悼侯東國元年也。春秋書冬蔡侯朱出奔楚。則在位一年固已成爲君矣。而年表世家皆略不書。未知史公何意。又奔楚亦是朱。非東國也。此言東國奔楚者。因春秋有東國卒。

于楚之文而穀梁經傳又謬以朱之奔楚爲東國史公遂仍其誤爾蓋此年當云蔡侯朱元年奔楚後年當云蔡悼侯東國元年

景王二十五

案是年四月王崩立王子猛十一月猛卒是爲悼王雖未卽位而周人奉之春秋載之何得沒而不書

敬王元年 蔡悼侯三

案悼止二年無三年也年表世家竝妄以蔡侯朱之一年并于悼侯耳

鄭定公十一楚建作亂殺之案鄭殺子建不知何歲表在十一年世家在十年皆妄爾左傳附紀殺建事于哀十六年因其子白公之亂而追敘之也

敬王二 魯昭公二十四鶴鵠來巢

案春秋在二十五年此誤書于二十四年世家是

楚平王十一吳卑梁人爭桑伐取我鍾離 案爭桑之事左

傳不載史公據呂氏春秋所說見案竝載于年表吳楚世家

伍子胥傳中攷左傳昭二十四年吳滅楚之巢及鍾離由于

楚略吳疆邊人不備非關爭桑也又春秋書滅巢不書鍾離

杜云告敗略乃此書取鍾離而偏不書取巢何歟

蔡昭侯申元年 案三傳春秋書昭侯之名竝作申然文侯

已名申矣左傳哀四年疏曰宣十七年蔡侯申卒是文侯也

計昭侯是文侯元孫乃與高祖全名周人以諱事神二申必

有誤者俱是經文未知孰誤左傳釋文亦云而世家又作昭

侯甲攷文侯父莊侯名甲午見定四年左傳年表書之則昭



侯亦不應與全名侯考

燕平公六公如晉請內王 附案此上格鄭表中語卽昭廿四年左傳鄭伯見范獻子事各本訛入燕表

敬王三 魯昭公二十五公出居鄆

案春秋二十五年十二月齊侯取鄆二十六年三月公居于鄆而表書居鄆于二十五年齊尚未取公安得居之且下年表云齊取我鄆以處公順文連敘則尤不應先言居鄆矣疑居鄆二字是奔齊之誤也齊魯世家書取鄆居公或在前一年或在後一年亦順文連敘非屬誤條

敬王四 晉頃公十知櫟

附案知文子之名左氏經傳作躒公穀昭三十一年春秋韋昭晉語注與史表晉世家及索隱引世本

見趙並作櫟左傳世家

昭九年釋文亦云本又作櫟趙世家前作蹠後作櫟昭五年左傳輔作櫟攷說文無蹠字其引輔蹠作趨此荀蹠从木旁史公多識古文今本左傳乃杜元凱所定文子名當依史爲是惟公羊釋文云又作灤非

楚平王十三秦太子爲昭王附案太字乃女之訛史詮曰

立秦女子今本缺立字毛本作秦女子立爲昭王

宋景公頭曼元年案景公之名說在宋世家

敬王五 楚昭王珍元年誅無忌

案三傳春秋及子胥傳謂昭王名軫則此與世家作珍誤矣但昭二十六年傳云太子王弱杜注王昭王也豈有二名歟費無極之爲無忌蓋以北音相近而異楚世家伍子胥傳及呂覽慎行淮南人開

吳越春秋並作忌

敬王六 晉頃公十二 六卿誅公族分其邑各使其子爲大夫  
案此卽昭二十八年左傳晉滅祁氏羊舌氏事也故晉趙魏  
世家竝言之然二氏雖皆公族爲大夫者不皆六卿之族子  
說在晉世家中

曹襄公元年 案此公七世祖其公名襄則豈有以先君名  
爲諡之理當依世家及人表作聲公徐廣固云一作聲也又  
失書名野但所疑者世家載悼公九年朝于宋爲宋所囚曹  
人立其弟聲公野悼公死于宋聲公五年平公弟通弑之代  
立是爲隱公隱公四年聲公弟露復弑之代立人表以靖公爲聲公子  
是爲靖公而攷春秋昭二十七年書曹伯午卒悼公定八年書  
曹伯露卒無聲隱二世然則悼公卒便接靖公凡在位十三  
年無悼公朝末囚死之事竝無世代相殺也乃表與世家增

聲公五年隱公四年而以靖公爲四年又謂隱公弑聲靖公弑隱史豈別有所據歟與春秋違恐不可信索隱引世本亦全于春秋而曰彼文自疎背經信史何其戾哉

吳闔閭元年案春秋定十四年書吳子光卒闔閭是其號舍名稱號與史例乖當云吳子光元年史于壽夢諸樊闔閭獨不依春秋書名殊不可曉又未得以楚之稱敖比矣

杜注無號謚者楚皆謂之敖

敬王十晉使諸侯爲我築城

案築城宜書也乃靈王二十三年齊人爲王城邾何以不書敬王十一楚昭王七囊瓦伐吳敗我豫章

案事在定二年左傳當楚昭八年吳闔閭七年此與吳表及吳楚世家伍子胥傳竝誤在前一年

蔡昭侯十朝楚以喪故畱 附案喪當作裴訛刻也

曹隱公元年 案依史例當作隱公通此失書名然春秋無隱公也說見前

吳闔閭六楚伐我迎擊敗之取楚之居巢 案事在七年說見楚表

敬王十四 蔡昭侯十三衛侵我吳與我伐楚郢

案是年無衛侵蔡事必楚侵蔡之誤史詮曰入郢脫入字

敬王十五 魯定公五楊虎

附案陽虎之陽獨此處作楊毛本改從陽蓋古字通用非訛誤也

何以敬之如春秋昭二十五年陽州公羊作楊州左傳僖十五年步揚成二年疏引世本作步楊而史晉世家作步陽襄十二年楊梁水經汝水注作楊梁而郡國志作陽梁宣元年

解楊史作楊而人表作解陽孟子陽虎曰爲仁不富鹽鐵論地廣篇引作楊子楊朱莊子山木篇作陽子呂子不二篇陽生注引孟子亦作陽子爾雅秦有楊陵呂覽有始篇作陽華史記秦將楊熊高祖功臣表東武侯敘功作陽熊惠景侯表有楊虛侯倉公傳作陽虛貨殖傳秦陽葢一州漢書作秦楊漢書諸侯王表真定王陽十三王傳作陽外戚恩澤表朱博封楊鄉侯傳作陽鄉地理志有丹陽陽邱陽阿而史漢兩王子表作丹楊晉宋志亦竝作丹楊隸續丹楊太守郭旻碑及劉寬碑陰故吏名跋謂西都改陽字恐非漢書王子表以陽邱爲楊邱張守節高祖侯表序正義以陽阿爲楊阿後書順帝紀中常侍楊定續天文志中作陽定晉書有楊駿水經注卷五作陽駿隋志太原陽曲縣文帝自以姓楊惡陽曲之號改爲陽直廣宏明集十

一卷破邪論引齊祕書楊玠史目其後又作陽玠予所見如此尚當有之前人未嘗言陽楊通用者故綜舉以備考無嫌辭費

曹靖公路元年 附案世家作露與春秋全此與人表作路亦古通左傳筆路史記作華露魯語露堵父左傳昭廿七年疏引作路堵父

敬王十六王子朝之徒作亂故王奔晉

案表于王子朝之篡不書子朝之奔不書子朝之殺亦不書而突書子朝之徒作亂無首無尾似失書法敬王處于姑猶亦未嘗奔晉說在周紀

楚昭王十二吳伐我番 案定六年左傳吳敗楚舟師獲潘子臣小惟子及大夫七人而無伐番事蓋史公以獲潘子臣

爲伐番也。此與吳表及吳楚世家伍子胥傳書取番全誤。索隱彌縫其說以子臣爲番邑大夫妄甚。或云卽指繁陽之敗也。子孫所將陵師番與繁音婆。

楚恐徙郢 史諡曰我作楚非也。

吳闔閭十一伐楚取番 案取番之誤見前。

敬王十七劉子迎王

案定七年左傳單武公劉桓公全迎王表不及單何也。

敬王十八 楚昭王十四子西爲民泣民亦泣蔡昭侯恐

案此事左傳不載蔡世家書于前一年。

衛靈公三十三晉魯侵伐我 案伐字衍。

陳懷公四公如吳吳畱之因死吳闔閭十三陳懷公來畱之死於吳 案懷公無如吳事吳亦無畱懷公事說在陳世家。



敬王十九 秦哀公三十六襄公薨

附案哀訛襄字說見前

敬王二十 秦惠公元年彗星見

案本紀不載彗星見或史公所見秦記有之歟然何以獨書於秦表且始皇紀後秦記未見此文疑當衍

敬王二十一 秦惠公二生躁公懷公簡公

案秦紀惠公之孫厲共公生躁公懷公則躁懷者惠公之曾孫也懷公生簡公則簡公者惠公之元孫也此皆以爲惠公所生誤甚

曹伯陽三國人有慶衆君子立社宮謀亡曹振鐸止之請待公孫請彊許之 案事不知何歲左傳在哀七年乃是追敘故曰初此與世家書夢于陽三年書彊爲司城于陽六年未

確也。又慶字當作夢。公孫下重請字當衍。湖本訛刻。

敬王二十二 衛靈公三十七

附案衛表是年各本有伐魯二字。此失刻也。但魯定十二年無衛伐魯事。乃伐曹之譌。春秋所云衛公孟彊帥師伐曹也。史詮亦言之。

敬王二十三 晉定公十五趙鞅伐范中行

案定十三年左傳鞅爲范中行所伐奔晉陽。故春秋書晉趙鞅入于晉陽以叛。未嘗與伐范中行之事也。或謂鞅下疑脫奔晉陽三字。

敬王二十四 衛靈公二十九

附案三十九湖本訛刻二十九

陳湣公六孔子來 案孔子世家是時孔子尚在衛。適陳在

七年此與陳世家皆誤書前一年

曹伯陽六公孫彊好射獻雁君使爲司城夢者之子亡去

案此事不定在六年說見前

鄭聲公五子產卒案左傳子產卒于魯昭公二十年當鄭

定公八年乃年表世家竝繫于鄭聲五年上距定公八年凡二十六歲豈不謬哉子產自魯襄八年始見于傳至昭二十一年卒其行事可見者四十四年歷鄭簡定二世云

敬王二十五年吳王夫差元年

案吳王當作吳子吳僭王號非史法所宜書或問吳楚皆僭王史于楚王尙書之則書吳王自不爲過亦春秋據實直書善惡自見之義也曰表于楚書王元非史法卽以爲直書其實又何以闔閭之前書名書號俱不書王而獨于亡國之夫

差特書吳王耶。

敬王二十六 魯哀公將元年

附案世本

見索隱

漢志釋文竝作蔣。惟史作將。皇王大紀從史。

疑二字古通。莊子天地篇將閭蕘。音義曰。一本作蔣也。

晉定公十八齊伐我 案齊下缺衛字

吳夫差二伐趙 附案史詮曰。湖本越作趙誤。

敬王二十七 齊景公五十五輪范中行氏粟

案左傳云齊輪范氏粟。范吉射逆之。此與齊及田完世家皆

增入中行氏非也。

晉定公十九鄭來救我 案我字衍

鄭聲公八敗范中行氏 附案敗乃救字之訛

敬王二十八 宋景公二十五孔子過宋桓魋惡之

案此爲魯哀三年孔子在陳左傳及世家可證微服過宋乃景公二十二年魯定十五年也政是去衛適陳時事此與宋世家全誤

燕獻公元年 案索隱稱王邵據紀年簡公後次孝公無獻公然紀年之書多是僞謬聊記異耳余謂燕世家最疎舛莫知年表世家與紀年孰誤而紀年出于汲冢雖不免乖亂爲後人所屏其真確之處頗足取徵杜元凱嘗言有益于左傳自當分別觀之安得概斥爲僞謬耶閻氏疏證卷四云汲冢紀年不傳今傳者贗本恐不盡然

敬王二十九 晉定公二趙鞅救邯鄲柏人有之

案救乃拔之訛鞅有柏人在次年此與趙世家誤前一年秦惠公十 案惠止九年無十年史誤以悼公元年爲惠十

年也說在紀

蔡昭侯二十八大夫共誅昭侯 案以臣戕君而謂之誅可乎史表中凡弑君者多用誅字

敬王三十 晉定公二十二中行奔齊

案中行上缺范字

敬王三十一 齊晏孺子元年

案晏孺子名荼此失書晏與安古通公羊荼作舍亦通說在建元侯表散侯下

敬王三十二 魯哀公七公會吳王于紉徵百牢季康子使子貢謝之

案左傳徵牢之對是子服景伯若子貢乃對召康子也史誤書之說在吳世家

宋景公二十九侵鄭衛魯 案史記謂今本誤曹爲魯是也  
蓋表中曹字有誤作晉者魯桓十六年會曹伐鄭作會晉也  
有誤作魯者魯定十二年衛伐曹作伐魯及此年侵曹作侵  
魯也但攷春秋哀七年無宋侵衛事則衛字當衍或曰晉魏  
曼多侵衛宋必以師從故表書之然無據

敬王三十三 魯哀公八年齊取我三邑齊悼公二伐魯取三邑  
案春秋齊人取謹及鬬齊世家全而此與魯世家作三邑誤  
矣又此魯表書取邑而不書歸邑何耶取在夏歸在冬

楚惠王二子西召建子勝於吳爲白公 案白公之召左傳  
追敘于哀十六年莫知的在何時乃表書于惠王二年世家  
及伍子胥傳亦然恐是意揣爾

曹伯陽十五虜伯陽 案伯者曹伯陽者其名曹本伯爵史

自繆公而下已改稱公矣。陽猶仍稱伯。豈以亡國示貶歟。然  
年表世家皆謂之伯陽。蓋史公誤認伯亦是名。故連陽字呼  
之。此與公羊傳解伯于陽之謬何異。公羊昭十二

敬王三十五 齊悼公四 齊鮑子殺悼公 齊人立其子任爲簡  
公

案悼公之弑左傳但云齊人史公于秦紀依左傳齊人弑悼  
公齊人者陳恆也。晏子春秋諫上篇明云田氏殺陽生乃表  
與吳齊衛世家伍子胥傳或云鮑子或云鮑氏而田完世家  
直曰鮑牧夫弑君大逆何可輕誣况牧已于前二年爲悼公  
所殺安得起九京而加以弑逆之惡名乎任王古通齊世家  
徐廣引表云簡公王者景公之子也而表無此語是徐說誤  
楚惠王四伐鄭 案鄭乃陳字之誤



衛出公八孔子自陳來 案孔子居衛已五年矣孔子世家甚明此與世家言孔子是年自陳至衛妄也

吳夫差十一誅伍員 案誅員在魯哀十一年爲夫差十二年此與吳世家子胥傳竝誤

敬王三十六 齊簡公元年

案簡公失書名

敬王三十七 楚惠王六白公勝數請子西伐鄭以父怨故案此事左傳在哀十六年爲楚惠十年蓋追敘也年表世家在惠王六年不知何見

衛出公十公如晉與吳會橐臯 案是時衛不服晉安有如晉之事當是如吳爾又哀十二:left傳與吳會橐臯者魯也與吳會鄆者魯也

此與吳世家竝誤

敬王三十八 燕獻公十一敗宋師

附案此是上格鄭表中語。卽哀十三年春秋鄭罕達帥師取宋師于岳之事。各本訛入燕表。

敬王三十九 魯哀公十四衛出公來奔

案出公奔魯。春秋書于哀十六年正月。從告也。當依左傳在十五年爲是。事在此與衛表及衛世家俱誤在是年。

衛出公十二父蒯聵入輒出亡 案衛侯父子一入一出在

後年閏月。蓋出公在位十三年而亡也。此與衛世家誤作十二年。故以出公之十三年爲莊公元年矣。

敬王四十 魯哀公十五齊歸我侵地

案左傳公孫宿以成叛。因子貢言。齊歸成。非侵地也。此與世家全誤。

齊平公驚元年景公子也齊自是稱田氏 案呂氏雖微豈有君從臣姓之理稱字疑當為歸也然各本俱作稱而徐廣于齊世家引表亦全似實有改姓之事真不可解史詮謂齊當作常非也景公子當作景公孫或作悼公子此亦誤

宋景公三十七災惑守心子韋曰善 案焚惑守心何善之

有於義未明此事左傳不載出于諸子如呂氏春秋制案淮南子

南子道應訓新序雜事四皆稱之然不定在是年若依延年二十

一歲之說亦當在二十七年景公四十八年而又疑不足據也編

變虛篇辨之矣

衛莊公蒯聵元年 案莊公紀元當移後一年

敬王四十一 陳湣公二十三楚滅陳殺湣公

案滅陳在後一年

敬王四十二 衛莊公三莊公辱戎州人戎州人與趙簡子攻莊公出奔

案莊公在位止二年表誤減出公之十三年爲十二年以益莊公故莊公有三年世家全誤攷哀十七年左傳趙簡子伐衛由莊公背晉也衛人遂出莊公晉師還莊公復入先是莊公薨戎州又髡戎州已氏妻髮以爲夫人呂姜鬻及復入莊公使匠久更欲逐石圃石圃因匠氏攻莊公莊公踰于北方墜而傷股戎州人攻之入于已氏爲已氏所殺則簡子之伐衛元與戎州無涉而戎州之攻公不與伐衛全時乃表言戎州人與簡子攻莊公出奔世家言戎州告簡子簡子圍衛莊公出奔俱并二事爲一科謬已再左傳言莊公之出晉立襄公之孫般師莊公入般師出至莊公被殺衛復立般師而齊

人伐衛立公子起執般師歸表俱不書世家亦不言晉先立般師一節殊失事情索隱亦議史公疎略也

吳夫差十八楚敗我案楚乃越之誤所謂笠澤之軍也

敬王四十三敬王崩

案敬王在位四十四年此缺一年說在周紀

晉定公二十五三十七卒附案二十五乃三十五之誤亦

猶他本以三十七卒爲三十六卒皆傳刻訛耳

秦悼公十四卒子厲公立案悼公享國十五年史誤以悼

元年上增惠公作十年故悼少一年耳說在秦紀又悼公之

子爲厲其公蓋兩字說此脫

宋景公四十六十四卒案左傳宋景卒于哀二十六年是

四十八年卒也此表與世家作六十四六國表又作六十六

竝誤

衛君起元年石傳遂起出 附案索隱本引年表云石傳遂

君起與今本異石傳他本均作石專蓋專字之譌與敷全索

隱云傳音補亦作專是也左傳作石圃傳專皆與圃音相近

故假借用之世家稱石曼專曼字衍索隱云諸本無曼字可

證專當爲專然索隱于世家云博音圃索隱本引世家作石

是石曼博與今世家本異又音徒和反博或作專各本世家載索隱云專

音圃或音姑所說不全集韻及司馬光類篇博字注云衛有

石博彼五切博與圃亦音近各本譌博爲博猶譌專爲專耳

而所以作石曼專及音姑者必誤以石圃與石曼姑爲一人

曼姑見袁三年經又音徒和反者必徒官之誤他本史記蓋有譌博

作磚者故出此音而集韻類篇遂于磚字注引石磚以實之

可笑

吳夫差十九二十二卒 案二十二當作二十三而身亡國滅亦不得但言卒當依索隱言滅